

Temaiwawemete kememite'i'ixatsita 'Ixatsi kehepai mi'ayumieme

¹ Tsarumuni 'ixatsiteya Rawiri nu'aya, 'Ixaheri kwieyaritsie ti'aitame:

² petimaiweti pemayaniki meta 'aixia 'anemeki pemuyeikaniki,
meta mitiuyemate niukieya pemeti-
maitiyeikaniki,

³ mitaheitseritiarieniki yamitimaikaki tita 'aixia miti'ane tita 'axamiti'ane,
heitseriemeki yamitikamieniki hepaitsita,
heitseriemeki 'aixia mitiyurienieniki meta
yunaima 'aixia mitiwaxeiyani,

⁴ 'aixia 'anemeki pitiwapitia kemi'ane
'atsimemikatemate, meta temari
mete'uyemaiti memakineki,
kemituyurieni hepaitsita.

⁵ Mitimaiwe 'iki ke'u'enieni, matsi waikawa
miretimaniki,
matsi heitserie kaneti'enatiyeimiki,

⁶ meitimaniki tita 'ixatsi 'iniariyari mitixata miki
pitimaika,
temaiwawemete waxatsika mikayumainia.

⁷ Yawé 'ayemakati mitiuyemaikaki kanitsutini,
'atsimemikatemate mitimaiweniki
mi'ayumieme mepixani'erie meta
memitaheitseritiarieniki.

Mari'itⁱarika mⁱtimaiwenikⁱ mukuwauni hepait^sita

- 8 Temaiki, keneu'eni 'apaapa
kemimatiku'ixatsitiwa,
meta 'amaama kemimati'ikitia
pepikahetitimaiyani.
- 9 Mipai xika yapetikamieni 'amu'utsie witsimi'ane
pemanakeka hepai pepi'aneni,
meta kuka pematitikini hepai pepi'aneni.
- 10 Temaiki, xika 'axateyuruwamete me-
mateku'itaiyani,
wahamatia pepikaheyeikani.
- 11 Xika mipai memetehahiaweni:
«Kimi tahamatia kenemie.
Xeime tepuhupieni tsepa 'atsimikatiuyuri
tepeimieni yakixeikia.
- 12 Tepeitakwani naime 'ayeniereme
miki teukiyata teiteri kemitiwakwa'a hepai,
yaxeikia meukatewatsie meukahiya naimiti
hepai.
- 13 Tetetinawame naime piinitiarika tetehexeiyati
tepakine,
'Ana 'inawari tinaime takiita tekateni-
tihiniyakuni.
- 14 Teyunaiti teyutinime tepitekunawatiweni,
tita temitenawani teyunaiti tahetsiemieme
pirayeikani».
- 15 Peru neuxei temaiki, pepikawareu'enieka miki.
'Axamemiteyurie wahuye keneuku'eiri.
- 16 Miki mepuyuwaⁱriya 'axamemiteyuriekaki,
mekaniyumexiitiaka xuriya
memitayeurieniki xeikia.

- 17 Xika winiyari 'anutawieni yaki xeikia pīrayeika,
wikixi yunaiti me'ixeiyakaku.
- 18 Peru miki 'axamemite'u'iyari yikimana yutukari
mepiwiniyatiwe,
mipai mekatenyuka'unakuni.
- 19 Mipai mepitetakukuwe kemi'ane yuhet-
siemieme xeikia memutekuwautiwe,
mipai yutukari mepitetatimaiya.

*Mari'itīarika mitimaiweniki mikayuwairiya
hepaitsita*

- 20 Mitimaiweniki mi'ayumieme 'uka hepai kaye
'utia kanahiwani,
yuwaikawati teiteri memaxuawetsie
waikawa kanahiwani.
- 21 Kaye 'itsikinayaritsie waikawa
miranuyekikatiretsie kanahiwani,
kiekari miranutahakitiretsie yuriki
katinikuxatani:
- 22 «Xeme temari 'atsixemikatehetimawawe
'akuxi,
¿kepaukake xepitehayewa miyaxeteyurieti?
Xemeta xeteyukatawe'erietī xemutiwaweriyarie,
¿kepaukake xepitehayewa xeyutemawietī
kexemite'u'iyariki?
Xemeta 'atsixemikatemate,
¿kepaukake xepitehayewa 'aixia miti'ane
xete'uxiwe'erietī?
- 23 Xekeneneu'eni kenemixerahiawe,
ne nepinewairiya nemitixetaxatīaniki 'iyarit-
sie miemekī kenemitiyumate netaita,
yanekatinixepitiamiki kenemitiku'eriwa
yaxemitehetimaniki.

- 24 Kepauka nemixekihawekaitsie xeme
xepikanetsi'u'eni,
kepauka nemixe'u'iniwakaitsie nehetsia
xepikahaki,
- 25 Matsi pita naime ne'ixatsitiarika xeputixani'eri,
meta kenemitixeha'ima yakai
xemikanetsi'anu'eniki,
- 26 'Ayumieme neta 'ana neputanaweni xehet-
siemieme,
kepauka xemi'uximatiariekatsie.
- Ne nepihikini nemutanaweni xehapaitsita,
kepauka marika mixe'axenitsie,
- 27 kepauka marika xehetsie munuani 'eka
mitirikaiye hepai
meta kepauka 'uximatiarika mixe'anuhapani
haikiri kwinimieme mititirikaiye hepai.
- 28 »Hiki 'ana xekanenitahawikuni, peru ne
nepikaxeta'eiya,
'ana xepinetsitiwauni, peru
xepikanetsitaxeiya.
- 29 Xemitemaiwaweniki xeputixani'eri
meta Yawé xe'ayemakati xemikahakiki,
- 30 Neniuki ne'ixatsi xemikahanu'eniki,
kenemitixeku'ima yakai xemika'anu'eniki,
- 31 Tita tewi mitiuka'e miki katinika'itsanamiki,
pititimiiriya tita yuhetsie mitiupitia
pika'ikemakaxiani,
- 32 Kememiteheuyexiri meta tita 'at-
simemikatemateki miki puwakwini,
watemawierika tixaiti mikatiyunaki'erie
puwareuyehiani.

- 33 Matsi kemi'ane minetsi'anu'enieni 'aixia 'iyari
'apuyeikani,
meta tixaiti pikareumakaxeni».

2

Mitimaiweniki 'aixia pi'itiarieka

- 1 Temaiki, xika neniuki pe'anu'enieni,
meta ne'aitsika pe'uti'uta 'ahetsie.
- 2 Xika 'anaka mitimaiweniki mi'ayumieme
'u'enieni.
Meta 'a'iyariki pe'ayetuani pimirakumaikaki.
- 3 Xika mirakumaikaki pe'utahiawe,
meta pemeitimaitiyeikaniki pe'uta'iwauni.
- 4 Xika pirata hepai petikuwauneni,
tumini mi'awieti hepai,
- 5 hiki yapepiretimani Yawé kemirayemakaxeniki
meta pepikaxeiya Kakaiyari kemitiuyemate.
- 6 Yawé xeikia katiniyupitiwani mitimaiweniki
mi'ayumieme,
mirakumaikaki tatsiere pitiyupitiwa tetana
kanayeneikani.
- 7 Miki kaniwaparewieka 'aixia memite'u'iyari.
Meta kaniwa'iwiyani kemi'ane heitserie
memu'uwa.
- 8 Miki heitserie yamemitekahu wahuye
kani'iwiyani
meta 'aixia memiteyurie wahuye.
- 9 Hiki 'ana pekaneitimaimiki heitseriemeki 'ape-
muyeikaniki,
meta hipame 'aixia pemitiwaxeiyaniki yu-
naime.
- 10 Mitimaiweniki mi'ayumieme 'a'iyaritsie kanin-
uamiki,

- meta pemi^timaikaki 'ana 'aixia 'iyari
'apepuyeikani pe'atemawieti.
- 11 'Aixia pemi^reitimamateki pⁱmatsi'iwiyani,
'ahetsie kepemi^tuyemate pumatsi'awietani.
- 12 Mitimaiweniki mi'ayumiememe
'axamⁱti'anetsie pⁱmatsixina,
meta teiteri 'axamemuti^yuane wahetsia,
- 13 huye miheitserie me'uku'eirieka,
huye mumariwetsie pⁱta memuhuniki.
- 14 Mepuyutemawie 'axameteyurieti,
pi^wanake kepauka teiteri 'ax-
amemi^teyurietsie.
- 15 Huye mututuni memuweiya
meta huye xaitsie meukuyuyune.
- 16 Xika petimaiweni 'uka mi^wikie hepaitsita
pepi'a'iwiyani,
meta 'uka pemika'imate niukieya witsimu-
taine hepaitsita.
- 17 Miki 'uka Kakaⁱyari hamatia tiratu kemi^tiuwewi
hatimaiyaka,
yikina kemi^tiuku'eiri 'imariyari mitiwiti,
- 18 kemi'ane menuweiya miki mikitewatsata
kaniyⁱaneni,
huyeteya yi^wipa xeikⁱa kanimiemetetini.
- 19 Kemi'ane miki 'uka winiyarieyatsie miyihiani
hatsuakuri pikahakunuani,
tukari huyeyari pikakaxeiya.
- 20 'Ayumieme mipai pepi^tiyueikani huye 'aixia
mi'ane 'utuma,
meta huye heitserie memu'uwa memiweiya
pepuweiyani.

- 21 Heitseriemeki yamemitekahu wahetsie
mikarahiwa,
kwie wahetsiemieme kanayeimiki meta
yuheyemeki mana mekaniu'uwakuni.
- 22 Kemi'ane 'axamemiteyurie mepakumaweri-
yarieni,
yukwie memitsewiximaki yuheyemeki
mekanikwi'iwakuni.

3

Kehepai mi'aneni mitimaiweniki mi'ayumieme

- 1 Temaiki, pepikaratitimaiyani
kenemimati'ixatsitia,
matsi pita, yuheyemeki kena'eriwani
ne'aitsika.
- 2 Kariki xika mipai pe'aneni miixa wiyari pekani-
tihuimiki
meta 'aixia 'iyari pepuyeikani.
- 3 Hatsuaku pepikaratitimaiyani
peti'akanaki'erieti meta yuri petikuxatati:
'Aheyemeki mipai ketinekamieni
meta 'a'iyaritsie paiti kena'utiaka.
- 4 Mipai xika petikamieni Kakaiyari 'aixia
pimatixeyani,
meta teiteri 'aixia meputiyuaneni
'ahepaitsita.
- 5 Yawé hetsie ketinewiyani naime 'a'iyariki,
hawaiki kepemitimaiwe 'ahetsie
pepikatiwiyani.
- 6 Kakaiyari kena'eriwani naimeki
kepemitiyurieneki,
'ana miki 'ahuye piheitseritiaka.
- 7 Kwinimieme perakumaikame pepikayuxatani:

- matsi pita Yawé kenayemakaxeni meta
'axamiti'ane hepaitsita kene'apatani.
- 8 Mipai xika petikamieni 'aixia pepireu'erieka
'awaiyaritsie,
meta pepitirikaïyeni.
- 9 Yawé kenayexeyani tita pemirexeyaki,
meta matiarimieme 'ikwaxi keneyetuirieka
tita pemituakaxexeya.
- 10 Mipai xika petiyurieneni 'akaretatsie tiriku
takariyari panakaxiriweni,
meta 'akiita kaxie winuyari mihekwa
pixuaweni.
- 11 Temaiki, xika Yawé matsi'anayewayani
meti'ikitiati pepika'i'uxiwe'erieka,
meta kepauka mimatsi'utate'ani
pepika'uyeha'ariweni.
- 12 Yawé matsi piwaranayewayaya tiwa'ikitiati
kemi'ane miwanaki'erie,
tewi yuniwe 'inaki'erieti kemiti'ixatsitia
hepai.
- 13 'Aixia kani'itariieka kemi'ane mitimaiweniki
mi'ayumieme mukaxei,
meta kemi'ane waika mitiuyemaikaki mu-
taxei.
- 14 Kepauka pemitimaiwe, matsi waikawa peka-
nipitariieka
keyuri pirata meta huru.
- 15 Kepauka pemitimaiwe, matsi waikawa peka-
nipitariieka
keyuri tetexi witsimi'anene, pitiumawe
hepaina witsiti'aneti.

- 16 Kepauka pemitimaiwe, pepixatiarieni miixa wi-
yari pemexeiyaniki,
meta 'aixia pepitixeyarieka meta waikawa
pepirexeiyani.
- 17 Kepauka pemitimaiwe witsi'anemetsie
pepumieni,
naiti 'aixia katini'anemiki 'ahetsiemieme.
- 18 Miki kiye tukari tiyupitiwame kanihikitini
kemi'ane memitapa wahetsie,
'Aixia mekani'itiarieka kemi'ane memeixeiya.
- 19 Yawé kwie kaniutawewieni kemitiuyemateki,
muyuawi tatsiere 'akaniuyemani taheima
kemirakumateki.
- 20 Miki yareitimaixiaku haramara kaniupat-
sirixiani meta haa kanetinetiaxiani,
meta haiwitiritsie wiyeri 'akaneikati
kanayani.
- 21 Temaiki, kene'a'iwiyani 'aixia ti'aneme
pemiranayexeiki,
pepikahetitimaiyani 'ixatsi 'aixia pemituu'eni.
- 22 Xika mipai petikamieni miixa wiyari
'apepuyeikani,
meta kuka pematitikini hepai pepi'aneni.
- 23 Hiki 'aixia 'iyari pepumieni,
meta hatsuaku pepikahekaweni.
- 24 Kepauka pemikahunitsie, tixaitiki
pepikareumaka,
hiki pekahume 'aixia 'iyari pekaneukumiki.
- 25 Pepikaheumaka xika yapauka 'axamiti'ane
tiukuyani,

meta kepauka 'uximatiarika 'axateyu-
ruwamete wahetsiemieme munuani
pepikaheumaka.

26 Yawé yuheyemeki 'ahamatia kaniuyeikamiki,
meta kameni'iwiyakamiki winiyaritsie kapa
pe'uwiereki.

27 Pepikahe'imaiyani kemi'ane parewiya
mimatsitawawirieni,
xika perexeiyani tita mireuyehiwa.

28 'Ahepai tewi hatsuaku 'ipai pepikarahiaweni:
«Nepikayiwe 'arike pepayeneni, 'uxa'ake
nepimatsiparewieni»,
xika perexeianititi hiki titaki
pemitiparewieni.

29 Tita 'axamiti'ane 'ahepai tewi pepikawiwirieka,
'iya 'aixia mimatiku'eriya.

30 'Imieri pepikakuwauneni xeime hetsie,
xika miki 'atsikametsi'uyurieni.

31 Memayu'eririya ketita memitehexeiya
pepikatihiwe'erieka,
'eki meta memayu'eririya pepikawa'iken.

32 Yawé kaniwaxani'erieka 'axamemite'u'iyari,
peru kemi'ane 'aixia memite'u'iyari
kaniwanaki'erieka.

33 Yawé 'uximatiarika kanipitiaka, kemi'ane
'axamitiyuriene kie,
matsi 'aixia katiniyurieka kemi'ane
yamemitekahu wakie.

34 Yawé kaniwananaimaka kemi'ane
memite'uyukatawe'erie,
peru kemi'ane tixaiti memikate'ayuyeitia miki
puwaparewie.

- 35 Kemi'ane memitemaiwawe 'aixia
 mepitehamamatiwani,
 matsi kemi'ane memikayuwairiya
 memiwaparewieniki teiteri hipame 'aixia
 pi'ane 'axamemitehamamatiwaniki.

4

*Mitimaiweniki mi'ayumieme matsi 'aixia
 kani'aneni*

- ¹ Temari nemixenaki'erie, xekeneneu'eni rapaapa
 kemitiyu'ixatsitiwa hepai,
 xekeneyuwairiyani waikawa xemitemaikaki.
- ² Ne nepixeyetuirieni 'ixatsi 'aixia maniyitika,
 'ayumieme ne'ikitiarika xepikahatitimaiyani.
- ³ Kepauka ne nemununutsitikaitsie nepaapa
 hetsia nepukatei,
 meta nemaama nemuyuxewini hepai
 pinetinaki'eriekai,
- ⁴ nepaapa 'ipai pinetiu'ixatsitia:
 «'A'iyariki keneu'eni 'iki 'ixatsitiarika,
 yaketinekamieni ne'aitsikatsie, 'ana miixa wi-
 yari pepuyeikani.
- ⁵ Mitimaiweniki mi'ayumieme kenekuwawa meta
 waikawa perakumaiti pemayaniki,
 neniuki pepikahatitimaiyani, meta 'aheye-
 meki kena'eriwani.
- ⁶ Mitimaiweniki mi'ayumieme hatsuaku
 pepika'uku'e'iriwani.
 Miki pimatsi 'awietani,
 kenenaki'erieka mikita pimatsi'iwiyani.
- ⁷ Mitimaiweniki mi'ayumieme yemeki
 peuyewetse pemitimaiweniki 'ahetsie
 kenexeiyani.

- 'Eki pemeitimaitiyeikaniki kenekuwaɪneni
keyuri piinitiarika.
- 8 Mitimaiweniki mi'ayumieme waikawa
keneku'eriwani, miki matsi 'aixia
perahiawariwame kamenayeitiamiki,
kene'awairiyani pemitimaiweniki 'aixia
pekatinitamatiwamiki,
- 9 'amu'utsie witsimi'ane pehanakekame
pumatsi'ayeitiani,
kuruna witsi'aneme kameniyetuiiemiki».
- 10 Temaiki 'aku, keneu'eni neniuki,
hiki 'ana mīxa wiyari 'apepuyeikani.
- 11 Ne nepimati'ikitia petimaiweti 'ape-
muyeikaniki,
nepimetsi'uwitixime huye miheitserie
pemuweiyani.
- 12 Kepauka miki 'utia pemumienitsie, hawaiki
pepikahekaweni,
tsepa pemunautsarime, pepikahetiketamire.
- 13 Kenemimati'ikitia yuheyemeki kena'eriwani,
'aixia ketine'iwiyani ne'ikitsika miki
pi'atukari.
- 14 'Axamemiteyurie wahuye pepika'anukuweweyani,
'axamemiteyurie wahuyeta pepika'umieni.
- 15 Miki wahuye hepaitsita kene'a'iwiyani. Miki
'utia pepika'umieni.
Mana pepika'uyeikani, keneuku'eiri.
- 16 'Axateyuruwamete mepika'ukakukutsu xika
'akuxi 'axakatiyuriweni,
mepukakukutsu kepaukake xeime
memika'una.
- 17 'Axamiti'ane kaniwa'ikwaitini,

meta nanaimarika kaniwawinutini.

- 18 Heitseriemeki yamemitekahu wahuye
witsipi'ane,
kepauka tau 'iriya ximeri manatinexiaxime
hepai:

hekiariya waikawa mihekiariwiexime hepai
kepaukake hekiariya 'aixia tixawatiti mayani.

- 19 Peru 'axateyuruwamete wahuye mipai
pika'ane,
yiriya kwinimieme mitiyiwi hepai pi'ane,
'atsimepikatemate ketitatsie
memitehekaxiwe.

- 20 Temaiki 'aku, neniuki keneu'eni,
'a'iyariki keneu'ena.

- 21 Hawaiki neniuki pepikaheuyehipani,
'a'iyaritsie yemeki keneye'inani.

- 22 Miki kemi'ane memikaxexeiya tukari kani-
wapitiaka,
'Aixia pemireu'eriekaki 'awaiyaritsie meta
'a'iyaritsie kani'ayumiemetini.

- 23 Matsi 'a'iyari kene'iwiyani tinaime piinitiarika
hepaitsita,
miki hetsie tukari mayeneikaki.

- 24 'Atetaki keneyu'iwiyani 'axapemikatikuxataniki,
kemikatiheitserie petikuxatati
ketineuhayewa.

- 25 Heitseriemeki pita keneutaniereni,
tita pemitixeiya mikiki kene'a'iwiyani.

- 26 'Ahuye kene'iwiyani kepemitimie,
keneheitseritiaka naime 'ahuye.

- 27 Heitserie keneumieni 'a'utata
 pepikaheukuyuyupikeni meta 'atserieta.
 'Axamiti'ane ketineuku'eiri.

5

Mari'itiarika kayi'ia kayikina hepaitsita

- ¹ Temaiki, keneneu'eni kenemitimaiwe,
 Yemeki keneu'ena heitserie kemitikamieni,
² merikite kepauka pemitikuxatanitsie
 petimaiweti ketinekuxatani.
³ 'Uka mika'a'ia tenieyatsie xiete kaniuhaneni,
 nenieya matsi witsiputaine, keyuri huriwa
 hatseitiyari.
⁴ Peru 'imatiriekake matsi waikawa hatsiwiti
 payeika keyuri tsiirika,
 meta kwinimieme pirataxikaunare keyuri 'ix-
 ipara naitsata meutixikakauni.
⁵ Miki mikite watsata kaniumieni,
 miki miki teukiyapa kaneyani.
⁶ 'Etsiwa tima tukari huyeyari pikamate,
 yakixeikia puyeika 'atsikatimaiti.
⁷ Neuxe, temaiki 'aku, keneneu'eni,
 neniuki pepikahatitimaiyani.
⁸ Miki 'uka mika'a'ia pepika'enieka,
 'ahurawa kiteniena tima pepikaye'axeni,
⁹ 'Atirikariya peyetuayu kapa petiutakwine,
 kapa 'atukari memayu'eririya wahetsia
 peyetuani,
¹⁰ 'atumini wairiyarika peme'iwxaxi kapa hipame
 wahetsiemieme rayaniki,
 kapa hipame wakiita tiyuhayewaniki
 titapemira'iwxaxi.

- 11 'Imatiarieka tixaiti pekarexeiyati pepitatsuani,
kepauka haweri pe'aneti pemayani tixaiti
pekarexeiyati.
- 12 'Anake mipai pekanitayimiki: «Titayari 'ixatsi
nekatiu'eni kemitikuxaxatsiwakai.
Titayari ne'iyaritsie netitatawe'eri miki
'ikitiarika.
- 13 Nepika'i'eni nete'ikitiwamete waniuki,
hatsuaku nepikawaru'eni nete'ikitiwamete.
- 14 Hikiri yemeki kwinimieme haweri 'anekia
nekaniyuhayewa,
yunaime teiteri wahixie».
- 15 Haa 'ahaputsuta mieme xeikia kenehareka,
haa 'ahaixata maneika xeikia.
- 16 ¿'Ahaa kaye'utima mitayeyuriweni metinake
metatsiere 'ahaa 'ahaixata mieme teiteri
memayukuxexeriwatsie mitayeyuriweni
metinake?
- 17 Miki haixa katini'apiinitini, 'eki xeikia,
hawaiki pikayawe hipame pemiwaharitiaka.
- 18 'Aixia ke'itiarieka 'a'iya.
Kene'atemawieka temaikiyari pemitiwiti
hamatia.
- 19 Maxa witsimiti'imari hepai kani'aneni,
kapura yeutanaka 'imari hepai kani'aneni
mitiyukanaki'erie.
- Naki'eriyaya kematsitemawieritiaka.
Naki'eriyaya yuheyemeki 'ahetsie ketiwiyani.
- 20 ¿Temaiki 'aku, titayari peti'awariyani 'uka
mika'a'iya hamatia?
¿Titayari xeime 'iyaya naki'eriyaya
petikuwauneni?

- 21 Tahuyeta ketemiteyurie Yawé naime kanix-
eiyani,
tahuye naime kanimaika.
- 22 'Axatiyuruwame yikimana puyuwiniya
'axatiyurieneti,
'axamiti'ane mirexeiya kaunariyari miki ka-
nenutahiaximeni.
- 23 Mipai mekatenitakukuweni
memikayi'ixatsitiarinia,
kanimimiki mikaheu'enaki.

6

Mari'itiarika mikaheu'ena hepaitisa

- 1 Temaiki 'aku, xika xewiti pemimate matsi'inieka
hetsiena mieme pemirayukatuaniki,
xika pemika'imate kename pera'akatuani pe-
titahiawe,
- 2 xika 'aniuki 'anatiyani kename yapetikayani,
pekaniyutahiamiki 'aniukiki,
3 merikite 'ahapai tewi kameniuwiniya.
- Temaiki 'aku, xika peyuxinamikini, 'iki huye
kanihikitini:
Xeiya kenemie hetsiana tixaiti
pekarayuyeitiati,
tiratu kepemitiuwewi keneutawawiri
pemitihayewaniki.
- 4 Pepikakutsuni,
kenayeniereni.
- 5 Keneu'ata'una maxa mitiutananautsa hepai
hupierieneti,
meta wiki winiyari mitiutawikweiya hepai.
- 6 'Eki pemi'a'iraxie, paratsi tsari keneuxeiya.

- Mana keneye'iki kemitiyuriene petimaiweti
pekanayeimiki.
- 7 Miki mepikaheixeiya kemi'ane miwani'a,
meta kemi'ane mitiwa'aitia.
- 8 Miki yunaiti, witarita mekatenuka'utani,
'itsanaxa yu'ikwaite mekatenuka'utani.
- 9 'Eki pemi'a'iraxie, ¿kepaimexia 'akuxi mipai
pepitiuhupuni?
¿Kepaukake tami pepanutaniere?
- 10 'Etsiwa peheukukutsuti,
'etsiwa pe'uka'uxipiweti, meta 'atapa
pe'awietti,
- 11 tinawayame hepai katininuamiki tixaiti
pekarexeiyati pemayani,
tewi titaki miramieni 'akweti 'ahetsia
munuani hepai katininuamiki haakaxa.
- 12 'Axamitiuka'iyari tewi mika'uyukatewiya,
ti'itawati xeikia kanikuyeikani tsepa hakewa,
- 13 mipai mepitekuxata yu'iwama wahamatia 'iyari
mewewietti,
yu'ikateki meta yu'itiwameki
mekaniku'iniairitani xeikia.
- 14 'Axamitiyuriene kaniyu'iyaritiaka
'axamiti'aneiki xeikia,
meta kanikuwauneni mipai tiyuhaxiatiamiti.
- 15 'Ayumieme yapauka haweri katiniwakuyu-
ruwani,
yapauka 'ana kanika'unariemiki
pikayiwekaxiani yuheima mitanuaniki.
- 16 'Ataxewiti kanixuaweni teiteri kememiteyurie
Yawé mi'uxiwe'erie,

meta xeime matsi mixani'erie:

¹⁷ yuhixiteki kwinie memite'uneniere,
yuneniki memite'itawa,
yumamateki 'axamikatiuka'iyari xuriyaya
mitayeurawa,

¹⁸ yu'iyaritsie mitiha'aritia 'axatiyurimiti,
yu'ikateki xeikia miyumexiitia
'axamitiyurieneniki,

¹⁹ kemitiunierixi ti'itawati mitikuxata,
meta kemi'ane yu'iwama miwakwamana
memuyukwitiweniki.

Mari'itiarika xeime kinaya 'iyaya hepaitsita

²⁰ Neuxei temaiki, 'apaapa 'aitsikaya naime ke-
naye'atiwani

meta 'amaama 'ikitiarikaya pepikahehipani.

²¹ 'A'iyaritsie kenaka'utia,
kenakatikini kuka hepai.

²² Kepauka pemukuyeika 'apaapa meta 'amaama
wa'aitsika pimatsi'uwitiximeni,
kepauka pemukutsu wahiritiarika
pimatsi'iwiyani,
meta kepauka pemanutanieretsie, 'ahamatia
memitekuxatani hepai kani'aneni
yu'aitsikaki.

²³ Kixeme kanihikitini 'aitsika,
meta 'ikitiarika hekariwiwame kanihikitini,
'ixatsitiarika tukari huyeyari kanihikitini
pemikaheuyeweniki.

²⁴ Miki 'ixatsi pimatsi'iwiyani 'iya 'uka hepaitsita
'axamitiuka'iyari,
xewiti mika'a'iya, yuniukiki mitiyuwiniya
hepaitsita.

- 25 'A'iyaritsie pepika'ihawe'erieka wit-
simiti'iimariki,
kene'akweriwayurieka yuhixiteki
metsi'uwiniyaki,
- 26 kariki 'uka tuminiki muyuwitini'a 'atumini
xeikia kanitixitiamiki,
meta xika xeime 'iyaya peyurieneni kinaya
'atukari pumatsinawairieni.
- 27 ¿Kepaiki piyiwe tii yutawitsie mayatsa,
kamixaya kahataiyati?
- 28 ¿Kepaiki piyiwe matitiiyatsie muyeyani,
kakukwaxiketi?
- 29 Kamitsita kemi'ane xeime 'iyaya mukumayiani,
hamatiana mikahuni hetsienatsi pirahiyani.
- 30 'Axapikatiyuxexeiya xewiti tinawaneti,
miyehaakamineki xeikia,
- 31 xika 'uwiarieni, matsi katiniyetuamiki,
'atahutamexiatsie timieme mitiunawaki,
matsi yupiinite naime katininawaiyariemiki.
- 32 Peru matsi kemi'ane xeime 'iyaya meta kinaya
mukumaiwa, pikaheitimaitiyeika,
kemi'ane mipai mitiuka'iyari yikimana
kaniyukamiemiki.
- 33 Katinikwinitiarieemiki kanitewiyatsitiarieemiki,
meta hatsuaku pikaratimaiya kemitiuyuri.
- 34 Meta 'uki kaniha'akamiki 'iyaya munanaimaki,
kepauka 'uki miyikihiani 'anatukaritsie
pikareiyehiwirieni.
- 35 'Uki minanaimarie tixaiti pikatitanaki'erieni,
tsepa witsiti'ananeme mitiyexatiarie, mikiki
pikayukatemawieni.

7

Mari'itiarika xeime 'iyaya hepaitsita

- ¹ Temaiki, ne'ikitsikatsie yaketinekamieni,
meta ne'aitsika keneuti'uta 'a'iyaritsie.
- ² Yaketinekamieni kenemiti'aita pe'ayeniereti
'apekaniuyeikamiki,
ne'ikitsika kene'iwiyani 'ahixi miywi
kepemtikweriwayurie hepai.
- ³ A'itiwametetsie keneutapietikani,
kenaka'utia 'a'iyaritsie paiti.
- ⁴ Titaki yapemitimaiwe miki pumatsiparewieni
yaxeikia 'akuri hepai,
titaki kepemitime miki pumatsiparewieni
kemi'ane pemumate hepai.
- ⁵ Miki mepimatsixina 'ukaratsi mika'a'iya
hepaitsita,
meta 'uka miwikie hepaitsita pepi'a'iwiyani
witsitikuxatakaku.
- ⁶ Heiwa nekiita ne'ayekaiti
'itupari 'etsimayewatsie neheuniereti,
- ⁷ Nepine'iwiyaixi temari memika'u'iyari wahetsie,
miki temari watsata xeime kwi nepuxei
xeime yemeki 'atsimikatitude.
- ⁸ Kayetsie kananuyani, 'etsikina kaniye'ani,
hiki 'aniari 'umieti 'ukaratsi kiiya hepa
kaneyani.
- ⁹ Hiki kanikiyiririmekaitini.
'Ari waikawa 'ukuyirekuri.
- ¹⁰ Yapauka 'ukaratsi kanewayeyani 'enuku-
nakeke,

- 'uka tuminiki muyuwitini^a hepai reyukuke-maritiatⁱ,
 yuhetsie pikamatsiikikai kemitiyurienikekai.
- 11 (Miki 'uka waikawa pitikuxata 'utahiwati
 hipame kawa'enietⁱ,
 mipai memi'anene 'ukarawetsixi yukiita
 yemeki mepikahayetei.
- 12 Kaye'utima mepu'uwa meta teiteri
 memayuxeirietsie,
 meta yamepⁱtehupa 'itsikinatsie).
- 13 Hiki yapauka temaiki kananakawiyatⁱyani
 meta kani'itseni,
 metatsiere kayukatewiyakameki mipai ka-
 tinitahiawe:
- 14 «Nekiita 'aixia memiteyuxeiyaniⁱ mawariyari
 nekanexeiyani,
 tiratu nemuwewiekai nekakaiyari hamatia
 hikiri nekatina^ye'atiani.
- 15 'Ayumieme nepeyetia nepimatsihekunakixi,
 nepimatsikuwaunekai, 'ari nepimatsi'ukaxei.
- 16 Ne'utatsie nekaneika'ita
 rinu 'ixurikiyari waikawa miti'utika 'Ekipitu
 miemeki.
- 17 Nemukahuputsie witsimu'ia neka-
 neukawirieni,
 mixaxi witsimu'ia, 'aruhe meta kanera.
- 18 Hikimi, naki'eriya tekixi winuyari naime
 tepanu'ieni,
 naki'eriyaⁱki tepuyutitemamawieni tsepa
 temukatariyarie.
- 19 Nekina yukie pika'uka,
 kanayeyani hiki 'ateewa paiti.

20 Yutumini waikawa kane'ini,
kwitiwa pikanuani xeimetseri
kaneyurimiki».

21 Mipai witsitikuxaxatiwati,
kanikemakaxiani.

22 Hiki 'ana 'utimana kaneyani,
tuuru huyeta metia hemierienike hepai,
maxa winiyaritsie muyewierixi hepai,

23 'iriki mumiya yutawitsie,
wiki winiyaritsie muyewierixi hepai,
'atsikatimaiti mana yutukari kani-
tatimaiyamiki.

24 'Ayumieme hiki temaiki, keneneu'eni,
neniuki yemeki keneu'eni.

25 'Aiyari xaitsie pika'uyuyupikeni 'uka
kemetikihaweki,
miki 'ixatsieya huyeyari 'utia
pepikaheuyewautseni,

26 kariki yumireti mipai mekatenukwini,
mepuyumire kimana memukwi.

27 Kiitana miki teukiyapa kanihikitini,
yunaiti muwa memitahake mepitakukuwe.

8

Kemiti'inie mitimaiweniki mi'ayumieme

1 Mitimaiweniki mi'ayumieme 'uka hepai
kani'inieka.

Mitiuyemaikaki mi'ayumieme waikawa
kanahiwani.

2 Mitimaiweniki mi'ayumieme wapaiti
kanakekani,

- meta huye 'utia kaniutakekani teiteri wa-
hamatia tikuxatati, meta huye manuyu-
nanaketsie.
- ³ Kiekari kitenieyaritsie 'utakekati,
karima kanahiwani mipai 'utaiti:
- ⁴ «Xeme teiteri, nekatnixekihaweni,
nekanixehahaweni xeyunaime teiteri.
- ⁵ Xeme 'atsixemikatemate, xetemaiwaweti xeke-
nayueitia.
Xeme xemikayuwairiya xemiteyi'ikitiakaki,
xeheitimaitikikati xekenakini.
- ⁶ Xekeneneu'eni, waikawa tita mireuyewetse
nepititaxata,
nepititaxata kemitiheitserie.
- ⁷ Ne netetaki tita mitiyuri xeikia nepitikuxata,
yaxeikia neteni 'itarika kanixani'erieka.
- ⁸ Niuki neteta mayeneika naiti 'aixia pi'anene,
nitixa'iti 'axamiti'ane pikatini'i ni-
nanaimarika.
- ⁹ Kanihekiaka neniuki memitemaiwawe wahet-
siemieme,
meta kaniyuritini memitemate wahepaitsita.
- ¹⁰ Ne'ikitsika pita xekeneutanaki'eri pirata
pikatixai,
kenemitimaiwe xekeneutanaki'eri pikatixai
huru.
- ¹¹ Mitimaiweniki mi'ayumieme matsi waikawa
katinaye'aka keyuri tetexi witsimi'anene,
tsepa tita witsimiti'ane hepaina pika'ane.
- ¹² »Ne, mitimaiweniki, nemi'ayumieme
mitiuyemateki hamatia nekaniuyeikani,
kepauka yikinemitiyurieni neka-
nine'iyaritiaka meri.

- 13 Kemi'ane Yawé mayemakaxe, miki 'axamiti'ane
 pitixani'erie,
 ne muyuta'ireniki nekani'uxieka meta
 nanaimarika,
 'aixia 'anemeki mika'uyeika meta niuki 'axa-
 maniyitika.
- 14 'Ikitiarika nehetsie kanayeneikani meta tita
 mitiheitserie,
 nehetsie kanayeneikani petimaiweti
 pemayaniki meta pemitirikaïyeniki.
- 15 Newaparewiekaku te'aitamete mekateni'aitani
 meta kuwexinaruritsixi 'aitsika 'aixia 'anen-
 eme mekanitiwewiwani.
- 16 Te'aitamete mexiakate nekimana mepiteha'aita
 meta 'itsikate naitsarie kwiepa
 nepuwaranuka'uitiwa.
- 17 Kemi'ane meminetsinaki'erie, neta
 nekaniwanaki'erieka,
 kemi'ane meminetsikuwautiwe, ne
 nematsiikime nepaneyeitiwa.
- 18 Nehetsia waikawa mirexeiyaniki kanixuaweni
 meta 'aixia pemiramamatiwaniki,
 waikawa pepitiukaxexeiyani meta 'atiteriwe-
 meki pepirexeiyani.
- 19 Pemitimaiweniki mi'ayumieme yane-
 matipitiakaku matsi 'ikwaxi 'aixia mi'ane
 kanihikitini keyuri huru,
 ne'iwarika matsi 'aixia pi'ane keyuri pirata.
- 20 Tita mitiheitserie hetsie nekaniumieni,
 'aixia miti'ane hetsie nekananiukani,
- 21 waikawa nepitietuirie kemi'ane
 minetsinaki'erie,
 meta waikawa mirexeiyaniki.

- 22 »Yawé pinetsi'utawewi mexiakame wewiyaya
nemayaniki,
matsi meripaiti timieme 'akuxi hipame katiti-
wewiweti.
- 23 Ne matsi yemeki meripaiti nekaniunetiarieni,
meripaiti kwie 'akuxi kanetiariewekaku.
- 24 Kepauka nemunetiarietsie haramara
mumariwe pumawekai,
meta 'ana haixa pumawekai waikawa
'uhaneti.
- 25 Nekaniutinuiwa meripaiti 'akuxi yemurite
kanetiariewekaku,
meta hiri tsutimeyari 'umawekaku,
- 26 meripaiti miki kwie kanetiariewekaku meta
mana witsikemutiu'ane
metatsiere 'akuxi kwie tumuanariyari
mexiakame kanetiariewekaku.
- 27 Ne nepunierixi kepauka Kakaiyari muyuawi
'amuyematsie,
meta haramara heima ketewa 'ati muyux-
eiyania muka'iniaaritaxitsie,
ne 'ana nepitanierikai.
- 28 Kepauka muyuawitsie haiwitiri muyeye,
meta haixate tirikawime metinetiaxia hara-
mara 'ameukatewatsie,
- 29 kepauka haramara mupitia hakewa
meyeratikanani,
meta 'aitsikaya meu'eniekaki,
kepauka kwie tsutimeyari mukayatsaxitsie,
- 30 ne 'ana nepinierikai, 'uximayatsikaya
'aixia nepiyuriekai.
- Tukari miyehane ne waikawa nepinetemawiekai,
temawierika nepexeyakai hixiena
ne'uyeikati,

- 31 kwie miki mutawewiki nepinetemawiekai,
meta teiteri memunetiarieki
nepinetemawiekai.
- 32 »Hiki 'ayumieme, temari 'aku, xekeneneu'eni:
'aixia mepi'itarieni kemi'ane nehuye 'utia
memuhuni.
- 33 Ne'ixatsi xekeneu'eni meta xeketenemai-
waweni,
hawaiki xepika'itawe'erieka temaiwawemete
wa'ikitsika.
- 34 'Aixia mepi'itarieni kemi'ane meminetsi'enie,
kemi'ane nekitenie memutatei tukariki
meta'enanati,
miranutakikatiretsie meta'ikwewati.
- 35 Yuri nekanaineni, kemi'ane minetsikaxeiya,
tukari kanikaxeyamiki,
metatsiere Yawé 'aixia kaniyurimiki.
- 36 Kemi'ane mikanetsitanaki'erieni, miki
yikimana kaniyutsewiximamiki,
kemi'ane minetsitixani'erieni, miki miya pita
kaninaki'erieka».

9

Mitimaiweniki mi'ayumieme kemiti'inie meta mikatimaiwe

- 1 Mitimaiweniki mi'ayumieme 'uka hepai yukii
kaniutawewieni
meta 'atahutame mituikatika kaniuti-
wewieni.
- 2 Hiki 'ixiarari kaniukuha'aritariani, kaxie winuyari
kaniukawewieni
meta mexatsie 'aixia katiniupini.
- 3 Kaniwarutani'ani 'ukari mitiwa'aitia, 'emanu-
titewatsie

- kiekaritsie mipai memiteheukahiwaki.
- 4 «Nehetsia xekeneu'axia xemikatemaiwawe,
xeme temari peuyewetse xemitemaika.
- 5 Xekenakini, nepaa xekena'iniata
meta kaxie winuyari nemikawewi.
- 6 'Atsixekatemaiti xeketeneuhayewa, hiki 'ana
xekanayenenierkakuni,
timaiweme huyeya 'utia xekeneuhuni.
- 7 »Kemi'ane mitiyuyuriya mita'ixatsitiani miki
pitatierieni xeikia,
kemi'ane mitiyukatawe'erie mitaheitseritiani
miki pitananaimarieni xeikia.
- 8 Mitiyukatawe'erie pepika'ixatsitiaka kapa
metsi'uti'uxiwe'erieni,
'aixia piyini xika mitimaiwe pe'uta'ixatsitiani,
miki hirixia matsinaki'erietu payani.
- 9 Mitimaiwe keneuta'ixatsitia, hiki miki waikawa
timaiweti kanayeimiki,
heitserie yamitikamie ketineuta'ikitia, hiki
miki waikawa timaiti kanayeimiki.
- 10 »Kemi'ane timaiweti meuyeimiki ke'itsutiani
meri Yawé 'ayemakati,
xika Kakaiyari Mipatsie maika miki
pitimaiweni.
- 11 Nehetsie petiwiyakaku, 'atukari nepitimiriya,
nehetsie petiwiyaati waikawa wiyari
peditihuni.
- 12 Xika petimaiweni, 'a'iwatika kanihikitini
pemitimaiweniki,
xika memitemaiwawe pewatawe'erieka
mikiki 'eki pekatinka'eniexiamiki».

- 13 'Uka mika'uka'iyari, 'axakatiniuka'iyarini,
mikayikihiawe meta pikayukatewiya.
- 14 Yukitenie kanayeyeixani,
xikata kiekaritsie 'uyeikani waikawa teiteri
memaxuawetsie kaniyeixarini,
- 15 meta kaniwa'iniwani kikamete
yuhuyeta miheitserietsie me'uhukaku.
- 16 «Nehetsia xekeneu'axia xeme temari
yaki xeikia xemiteyurie.
- 17 Haa 'inawariekame matsi yemeki witsipa'ane.
Paa matsi witsikana'aneni xiete hepai xika
'itikwani 'awie».
- 18 Peri miki 'atsimepikatemate xika kiitana miki
'ayekani,
miki 'inierimama 'atsimepikatemate xika
miki teukiyata meheukaxiriweni.

Tsarumuni niukieya kemitimaiwekai

10

- 1 Tsarumuni niukieya kemitimaiwekai:
Nunutsi mitimaiwe yupaapa pitemawieritia,
nunutsi mikayuwaiiya teiteri muwa-
parewieniki yumaama kanihiweritiaka.
- 2 Tumini 'axa'anemeki 'iwariekame nitixaitiki
pikatiyunaki'erie,
matsi tewi heitseriemeki yamitiyuriene
pikamini.
- 3 Kemi'ane heitserie yamitiyuriene Yawé
pika'ihayewa heuhakamikime,

peru kemi'ane 'axamitiyuriene tita
mireukwaimiki mira'iniataki pika'ipitia.

⁴ Xika pe'a'iraxieka tixaiti pekarexeiyati pepayani,
xika peti'uximayaka waikawa perexeiyati
pekanayeimiki.

⁵ Kemi'ane mitimaiwe 'itsanaxa katiniuti'utani,
kemi'ane 'itsanaxa mukutsu puyutitewiya
'arike.

⁶ Tewi heitseriemeki yamitikamie waikawa 'aixia
kani'itiarieka,
'axatiyuruwame witsipitikuxata matsi
katiniyukananaimaka.

⁷ Heitserie memu'uwakai tewara'eriwati 'aixia
tepi'itiarie,
miki 'axamemite'u'iyarikai kwitiwa
mepatimaiyariwa.

⁸ Kemi'ane yu'iyaritsie mitimaiwe miki
yapitikamie kemiti'aitiarie,
peru 'axamitiyuriene yutemawieti meta
'axamitiniuki kanika'unariemiki.

⁹ Kemi'ane heitseriemeki 'amuyeika, 'aixia 'iyari
'apuyeika,
'axatiuka'iyariti 'amuyeika teiteri
mepitehetimani kemitiyuriene.

¹⁰ Yihixiki yu'iwa putitaxatiani meta waikawa 'ux-
imatiarika pitixuawitiani,

'axamitiyuriene yutemawieti meta
'axamitiniuki pika'unarieni xeikia.

11 Tewi heitserie 'amuyeika niukieya tukari
tiyupitiwame kanihikiti,ni,
'axamitiuka'iyari witsipitiuxaxata peru ka-
tiniyukananaimaka.

12 'Uxiwe'erika matsi waikawa 'imieri
kaninetiaweni,
peru naki'eriya naime mitareuyehiwirieniki
kaniyiweni.

13 Mitimaiwe teta mitimateniki niukiyari
payeneika,
kemi'aneta yaki xeikia mitiyuriene
kaneuyeweka yuwaritsie mukuweiwaniki.

14 Kemi'ane mitimaiwe kemitimaiwe kani'utani,
peru 'axamitiyuriene yutemawieti
kemitixaxata yapauka katinaka'unamiki.

15 Xiku xikutiriyaya hetsiena kaninuaka,
peru tewi tixaiti mikarexeiya hetsiena ni-
tixaiti pikatitanuani.

16 Tewi 'aixia mitiyuriene tukari kanipitiariemiki,
'axamitiuka'iyari 'iwarikaya 'axamiti'ane ka-
tinihikiti,ni.

17 Kemi'ane muyuwairiya mitaheitseritiarieniki
tukari kanikaxeiyamiki,
kemi'ane mika'enu'eni miki peuyeweni.

- 18 Kemi'ane 'uxiwe'erika mi'awieta miki
katini'itawani,
kemi'ane mikayuwairiya muwapariewieniki
teiteri hipame wahetsiemieme
kananiuweni.
- 19 Kemi'ane kwinimieme miraniuwe, waikawa
'axakatinikuyuruwani,
kemi'ane mitimaiwe 'atsipika'utaine.
- 20 Heitseriemeki yamitikamie niukieya pirata
mi'itiya hepai kani'aneni,
matsi 'axamitiuka'iyari kemitiku'eriwa
tixaitiki pikatiyunaki'erie.
- 21 Heitserie 'amuyeika niukieya hipame waikawa
kaniwaparewieka,
yakixeikia 'axamemiteyurie meyutemamaw-
ietu kememiteyurie yuwiniyaritsie
mekanixiriweni.
- 22 Yawé hetsia katinayeneikani waikawa
mirexeiyaniki,
yu'iyaritiati tixaiti pikara'iwa.
- 23 Mikayuwairiya teiteri waparewienike yikimana
puyutemawieritia 'axatiyurieneti,
peru mitimaiwe puyutemawieritia
kemituuyemateki.
- 24 'Axamitiuka'iyari ketita mitimakaxe, mipai
yapitipitarieni,

tewi heitseriemeki 'amuyeika tita
mireuyehiwa, miki piraye'ani hetsien-
amieme.

25 Kepauka wiyeri mumariwe mukuyani puku-
mawere 'axatiyuruwame,
peru kemi'ane heitseriemeki yamitikamie
yuheyemeki pitseyeni.

26 Miratsiwi rakwame ratametsie 'axapirayurieni
meta kitsi rahixita kemitiyukukuine,
mipai kani'aneni miyi'iraxie kemi'ane
miti'aitia hepaitisita.

27 Kemi'ane Yawé mayemakaxe tukari miireme
kanipitariemiki,
peru kemi'ane 'axamitiyuriene tukarieya
pikamiire.

28 Yamemitekahu temawierika mekanikax-
eiyakuni,
'axamemiteyurieta tita memitetakwewie
pikahaye'ani.

29 Yawé huyeyatsie yamemitekahu
kaniwa'iwiyani,
kaniwaka'unanita 'axamemiteyurie.

30 Heitserie yamemitekahu hatsuaku
mepikahekaxirieni,
'axamemiteyurie hatsuaku kwiepa
mepika'u'uwani.

- 31 Heitserie yamemitekahu 'aixia 'anemek
mepitekuxata memitemaiwaweki,
peru 'axamemiteniniuki mepikapitarie
memitiniuniki.
- 32 Heitserie 'amemu'uwa witsimepíte'uniuka,
peru 'axamemiteyurie 'axa'ananemekí xeikí
meputiniuka.

11

- 1 Yawé kaniwa'uxieka memiteyukwamana,
peru kemi'ane memikateyukwamana matsi
'aixia katiniwaxeiyani.
- 2 Kemi'ane mitiyukatawe'erie kaniyutewiyat-
sitiamikí,
kemi'ane mariweme mika'ayuyeitia, timai-
weti payani.
- 3 Heitserie 'amemu'uwa tita mitiheitserie
puwaruwitixime,
kemi'ane memite'itawa wa'itarika
puwaka'una.
- 4 Xikutiríya tixaiti pikarayani kepauka 'itsikame
mimariwe híxie mitaxanetsienitsie,
peru heitserie 'axika'uyeikani mikitsata
pitawikweni.
- 5 Heitseriemekí 'amemu'uwa tita mitiheitserie
puwaruwitixime,
peru 'axamiti'ane 'axateyuruwamete
piwarekaxiriwa.

- 6 Tita mītiheitserie puwawikweitsitia
heitseriemeki yamemitekahu,
peru tita memitehiwe'erie 'axateyuruwamete
kaniwaranutaxiriwani.
- 7 Kepauka 'axatiyuruwame mīmīni, pīmīnita tita
mititakwewiekai,
meta pīmīni kemitiku'eriwakai mariweti
kemirayanikekai.
- 8 Heitseriemeki yamemitekahu
mepiwikweitsitiarie kwaniwemetsata,
matsi 'axatiyuruwame haweri piranuyeyani.
- 9 'Axatiyuruwame yutetaki yuhepai tewi
kanika'unani,
peru heitseriemeki yamemitekahu
memitehakumateki mepuwikwe.
- 10 Kepauka heitseriemeki muyeika Yawé
miparewie, naiti kiekari puyutemawie,
kepauka 'axatiyuruwame mumīni, waikawa
temawierika puxuawe.
- 11 Heitseriemeki yamemitekahu kiekari 'aixia
mepuyurie,
peru 'axateyuruwamete yuniukiki
mepika'una.
- 12 Yaki xeikia mītiyuriene 'axaputaine yuhepai
tewi hepaitsita,
peru kemi'ane mītimaiwe puyupirenutia.

- 13 Teiteri niuki peraixi tinaime mepite'axatawawe
hipati memitemaikaki,
teiteri 'aixia memite'u'iyari naime
mepikatekuxata.
- 14 Ti'aitame xika 'aixia kati'aitani kiekari kanati-
wemiki,
'aixia mitiyiniki yuwaikawati 'ixatsitamete
mepeuyewetse.
- 15 Kanikweriwa'aneni xeime pemika'imate het-
siemieme pemire'akatuayaniki,
kemi'ane mikayuwairiya xeime hetsiemieme
mirayukatuaniki 'aixia 'iyari kaniuyeikani.
- 16 'Ukaratsi 'aixia mitiuka'iyari 'aixia pitixeiyarie,
teiteri memiteyukananaima tumini xeikia
mepi'iwaku.
- 17 Kemi'ane 'aixia 'iyariki mitiyukanenimaya
yikimana puyuparewie,
kemi'ane 'axamuwayurie hipame mikita
yikimana 'axapuyuyurie.
- 18 'Axatiyuruwame kwamanarikaki xeikia
katina'i'iwani,
matsi kemi'ane heitseriemeki yamemitekahu
wa'iwarika 'aixia kani'aneni.
- 19 Kemi'ane heitseriemeki yamitikamie waikawa
tukari pupitarieni,
kemi'ane 'axamiti'ane miranukuwei kwitiwa
pumierieni.

- 20 Yawé puwaxani'erie kemi'ane wa'iyari mutu-tuni,
matsi puyutemawie kemi'ane heitseriemeki
yamemitekahu wahetsiemieme.
- 21 'Axateyuruwamete mepikateheuyehiwiyarieni
'axamemite'uyuriki,
peru heitseriekameki yamemitekahu
mepuyutawikweitsitiani.
- 22 'Uka witsimiti'imari matsi kayikihaweti muta-niuka,
huru hanirayari hepai kani'aneni tuixu
tsurieyatsie muyewie.
- 23 Heitseriemeki yamemitekahu ketita
memitehiwe'erie 'aixia pitikuyine,
'axateyuruwamete kememiteku'eriwa
'axapitikuyine.
- 24 Kemitiwamikwa waikawa yutemawieti, miki
waikawa matsi pitipitiarieni,
matsi hipati kememite'apitikaki xika mipai
mekate'uyutuani matsi kwinimieme haw-
eri me'aneneti mepakine.
- 25 Kemi'ane tita mirexeiyaki hipame
muwaparewie 'aixia pi'itiarie,
kemi'ane hipame muwaparewie mikita
waikawa puparewiyani.
- 26 Kemi'ane tiriku miti'awieta yuhetsiemieme
miki teiteri 'axameke'utiyuani hepaitsitana,

peru 'aixia p'itiarieni kemi'ane 'aixia 'iyari mituani.

27 Kemi'ane ximeri paiti manukukeka 'aixia tiyurienike, 'aixia ti'aneme pitiukaxexeiya, kemi'ane 'axamiti'ane mitinake, 'axamiti'ane pirenuku'axe.

28 Kemi'ane yupiinitiarikatsie mitiwiya kanitayinarimiki, matsi heitseriemeki yamitikamie kiye miyira hepai kani'aneni.

29 Kemi'ane yukie 'uximatiarika miwiwie tixaati 'aixia ti'aneme pikatikuhaeikawa, kemi'ane 'axamitiyuriene yutemawieti xeime mitimaiwe ti'uximayatsirieti payani.

30 Heitseriemeki yamitikamie miki kiye tukari tiyupitiwame hepai kani'aneni. Mitimaiwe tukari 'aixia 'aneme kani-wapitiaka memeuyexirixime.

31 Heitseriemeki yamemitekahu 'ena kwiepa yu'iwatika mekanexeiyani, matsi waikawa yemeki mekate-nakapitiriwani 'axateyuruwamete.

12

1 Kemi'ane muyuwairiya mitita'ikitiarieni puyuwairiyata miretimaniki, matsi kemi'ane 'ikitiarika mu'uxiwe'erie miki pika'uka'iyari.

- ² Tewi 'aixia mītiuka'iyari miki Yawé piparewie,
matsi kemi'ane 'axamītiuka'iyari hetsiena ka-
tinihipani.
- ³ Xewiti pikayīwe 'axamīti'ane hetsie tiwiyati 'aixia
muyukuyurieni,
matsi heitseriemeki yamemitekahu wana-
nari 'atsipikayini.
- ⁴ 'Uka 'iniari mayuyeitiwa yikina pitemawieritia,
matsi 'uka tewiniarika miwewie yikina
'umeteya pitixitixime.
- ⁵ Teiteri heitseriemeki yamemitekahu
kememiteku'eriwa piheitserie,
matsi 'axatiyuruwame 'ixatsieyatsie 'itarika
xeikia puxuawe.
- ⁶ 'Axateyuruwamete waniuki winiyari mimiya
pihiki,
matsi heitseriemeki yamemitekahu
yuniukiki hipame mepiwawikweitsitia.
- ⁷ 'Axateyuruwamete mepatixiriwe tawari hat-
suaku mepika'anuku'uwe,
matsi heitseriemeki yamemitekahu
waniwema 'amepu'uwani yuheyemeki.
- ⁸ Tewi mitimaiwe 'aixia pitikuxaxatsiwa,
matsi kemi'ane 'aixia mikatiuka'iyari kanix-
ani'eriwani.
- ⁹ Matsi 'aixia pi'ane waikawa mikarexeiya peru
yu'uximayatamete warexeiyati 'amuyeika,

'aixia pika'ane kename matiwa 'utaiti peru
yu'ikwai karexeiyati.

- 10 Tewi heitseriemeki yamitikamie yapitimate
yunaime tewaxi wahetsiemieme
kememite'uka'eniwa,
matsi 'axatiyuruwame nitixaiti
pikatinenimaya.

- 11 Kemi'ane yukwietsie miti'uximaya miki
'anayuhayewame 'ikwai kanexeyakamiki,
kemi'ane yakixeikia miti'uximaya yakixeikia
pitiyuriene.

- 12 'Axateyuruwamete ke'axamemiteyuriku waw-
iniyari pihiki xeikia,
matsi heitseriemeki yamemitekahu wana-
nari 'aixia pi'itarie.

- 13 Kemi'ane miti'itawa yuniukiki piyutahiani,
matsi heitseriemeki yamitikamie
'uximatiarikatsata panukukeka.

- 14 Xewiti 'aixia kemitikuxataki,
meta yumamaki kemiti'uximayaki mikiki
pitipitarieni.

- 15 'Axamitiyuriene yutemawieti tsepa
kemitiyuriene hetsiena mieme 'aixia pi'ane,
matsi kemi'ane mitimaiwe memitemaiwawe
wa'ixatsi pita kani'enieka.

- 16 'Axamitiyuriene yutemawieti yapauka kani-
uyeha'ariweni,

matsi m̄itimaiwe katiniukanewieka kepauka
'axam̄ititahiawarieni.

17 Kemi'ane yuriki munierixi miki heitseriemeki
katinikuxatani,
matsi kemi'ane mika'unierixi miki 'itarikaki
p̄itikuxata xeikia.

18 Kemi'ane 'axam̄itiuxaxata miki niukieya 'ixi-
para hepai p̄itiyuxiteke,
matsi m̄itimaiwe niukieya pu'uaye.

19 Kemi'ane yuriki m̄itikuxata yuheyemeki
'apuyeikani,
matsi kemi'ane m̄iti'itawa yatewimeki xeikia
'apuyeikani.

20 Kemi'ane 'axam̄item̄eyurie wa'iyaritsie kwama-
narika puxuawe,
matsi kemi'ane 'aixia 'iyari temu'uwaniki
m̄itikuxata miki temawierika pexeiya.

21 Heitseriemeki yam̄itikamie 'axam̄iti'ane 'at-
sip̄ika'iyurieni,
matsi 'axatiyuruwame 'axam̄iti'ane
p̄irenukanani.

22 Yawé mem̄ite'itawa puwaxani'erie,
matsi p̄inaki'a yuri mem̄itekuxata wahet-
siemieme.

23 Tewi m̄itimaiwe yap̄ika'utaine tita mirakumate,

matsi memikayuwaiiya teiteri memuwa-
parewieni wa'iyari pahiwa tinaime
tikuxataneti.

24 Kemi'ane waikawa miti'uximaya miki ti'aitame
kanayeitiariemiki,
matsi muyu'iraxie wairiyarika
ti'uximayatame payani.

25 'Uximatiarikaki tewi punutuixie yu'iyaritsie,
peru niuki 'aixia maniyine pitemawieritia.

26 Heitseriemeki yamitikamie yuhepai tewi kani-
uwitiximeni 'aixia 'anemeki,
matsi 'axatiyuruwame xika huyeya
'anukuweiya pireuyehiani xeikia.

27 Kemi'ane miyi'iraxie pikayiwe yu'ikwai
mitikaxeiya,
matsi kemi'ane miti'uximaya waikawa 'ikwai
pirexeiya.

28 Heitseriemeki yamemitekahu wahuye tukari
maxuawe peutiune,
miki huyeta miya pikaxuawe.

13

1 Nunutsi mitimaiwe yupaapa 'ixatsieya
kani'enieka,
matsi mitiyukatawe'erie kepauka
mi'ixatsitarie pika'iku'eniwa.

2 Kemi'ane 'aixia 'anemeki mitikuxata, miki 'aixia
'anemeki pitiumikwa,

kemi'ane 'axamemite'u'iyari puwanake
hipame memuwananaimaniki.

³ Kemi'ane miyupirenutia yutukari kanikweri-
wayurieka,
matsi kemi'ane kwinimieme
mitiyuxatsikawie yukimana puyuka'una.

⁴ Miyi'iraxie pireuyehiwa, peru nitixaiti
pikatiukaxexeiya,
kemi'ane miti'uximaya naime yu'ikwai
pirexeiya.

⁵ Heitseriemeki yamitikamie 'itarika pixani'erie,
'axatiyuruwame tewiyarika pukuwewiene
meta 'axamiramamatiwaniki.

⁶ Heitseriemeki yamitikamie pi'iwiyarie,
matsi 'axatiyuruwame 'axamiti'ane pika'una.

⁷ Xewiti xiku puyuxata, peru tixaiti karexeiyati,
xewiti tixaiti mikarexeiya hepai pi'ane, peru
naime pirexeiya.

⁸ Xiku yutuminiki xeikia yutukari putawikweit-
sitiwa,
matsi tixaiti mikarexeiya xewiti
pikaheye'unie.

⁹ Kemi'ane heitseriemeki yamemitekahu
wahekariya waikawa pixawati,
matsi 'axateyuruwamete kixeme mititiki
hepai mepi'anene.

- 10 Teiteri memiteyukatawe'erie mekaniyuk-witiweni xeikia,
matsi kemi'ane 'ixatsi memi'enie miki mekatenimaiwaweni.
- 11 Tumini mexiwa mayu'i'iwa yapaukata kani-tixiriweni,
kemi'ane tumini meuta'iwiyawewe, miki 'axikai xiku kanayeimiki.
- 12 Kepemitiku'eriwa xika yakatiuyunake miki 'iyari pihweritiawe,
kepemtitiku'eriwa xika yatiuyunake miki kiye tukari tiyupitiwame hepai pi'ane.
- 13 Kemi'ane 'ixatsi mika'anuenieni pikareuyehiwiarieni,
kemi'ane 'aitsika kemainetsie yamitikayani 'aixia 'anemek pirakapitarieni.
- 14 Memitemaiwawe wa'ikitarika miki haa tukari mitiyupitiwa hepai pi'ane,
meta winiyari mitiyumemiwatsata pitiyuwikweitsitiwame.
- 15 Kemi'ane 'ixatsi 'aixia 'aneme mukuxata, miki 'aixia pitikuxaxatsiwa,
matsi 'axamitiuka'iyari huyeya yuheyemeki pikayupata.
- 16 Mitimaiwe puyuwairiya 'aixia mitiyurieniki yatimaiti tita mitiheitserie,
matsi mikayiwairiya miwaparewieniki kemitiyikihawe xeikia pitiyuriene.

- 17 Tupiri 'axamitiuka'iyari niuki 'axa'aneneme
xeikia pi'atiwa,
tupiri 'aixia mitiuka'iyari 'aixia ti'aneneme
piti'atiwa.
- 18 Kemi'ane 'ikitiarika mika'anuenieni tixaiti
karexeiyati payani meta tewiyatsitarieti,
matsi kemi'ane manu'ena waikawa 'aixia
pirahiawariwani.
- 19 Kepauka yamiraye'ani ketemiteku'eriwa 'ana
tepuyumamawie,
matsi mikayuwairiya hetsiemieme
pukwaniwe 'axamiti'ane mitihayewaki.
- 20 Kemi'ane memitemaiwawe wahamatia
'amuyeika, timaiweti kanayeimiki
wahepai,
kemi'ane memikayuwairiya wahamatia
'amuyeika 'axa'anemitsie kaniyukakemiki.
- 21 'Axatiyuruwame 'axamiti'ane hetsiena
kaniye'axeni,
matsi heitseriemeki yamitikamie 'aixia
miti'ane ki'apirapiniyarieni.
- 22 Tewi 'aixia mitiuka'iyari yuteukarima
piinitiarika pitiwaku'e'eiririwa,
'axatiyuruwame piinitiarikaya miki heit-
seriemeki yamemitekahu wahetsiemieme
pita katinayeimiki.
- 23 Teiteri tixaiti memikateheuxeiya
memati'etsatsie waikawa 'ikwai

kanixuaweni,
 matsi naiti katineuyewautseni xika
 kemitihetserie mekate'uyurieni.

24 Kemi'ane yuniwe mikati'ikitia ka'enayewayati
 miki pika'inaki'erie,
 matsi xika 'ikuwayani ti'ikitiati miki yuniwe
 pinaki'erie.

25 Tewi heitseriemeki yamitikamie pitikwa'a
 kepaukake mitahuxani,
 matsi 'axatiyuruwame heuhaakamiti
 'apuyeikani.

14

1 'Uka mitimaiwe yuniwema 'aixia miti'aneki
 puwaxewiriya,
 matsi 'uka mikatimaiwe, yikimana
 puwataweiyaxiani yuniwema.

2 Kemi'ane 'aixia 'anemeki mumie Yawé
 kanayemakaxeni,
 kemi'ane Yawé xani'erietu mumie miki 'axaka-
 tiniyurieneni.

3 'Axamitiyuriene yutemawietu yuta'ireti xeikia ka-
 tinikuxatani,
 matsi mitimaiwe kemitikuxata puyukweri-
 wayurie.

4 Hakewa tuurutsixi kwietsanamete mememawe
 mana 'iku payewawaki,

tuurutsixi kwietsanamete watirikariyaki 'it-
sanari putiwawaikare.

5 Kemi'ane munierixi miki yuriki pitikuxata
'itsikame hixie yapitayini,
matsi miti'itawa 'itsikame hixie yuri
pikatikuxata yaki xeikia putaineni.

6 Kemi'ane mitiyukatawe'erie mitimaiweniki
mi'ayumieme pukuwaune matsi
pika'ikaxexeya,
matsi kemi'ane yamitime tita miti'aixia het-
siena mieme pikakwaniwe mitimaiweniki.

7 Mikayuwairiya hamatia pepika'uyeikani,
hatsuaku miki niukieyatsie tixaiti
pepikaretimani.

8 Mitimaiwe yapitime kemitiyurieni ke'anemeki
mumieni,
matsi mikatimaiwe yukimana puyukwa-
mana.

9 'Axamemiteyurie meyutemamawieti kepauka
wahetsie mirahiwa meputinawe
meyuku'imawati,
matsi memitemaiwawe Kakaiyari 'aixia
pitiwaxeiya.

10 Ta'iyari yapitime ketemite'uka'eniwa
meta xewiti pikayiwe xeime temawierikaya
mihekiatani.

11 'Axatiyuruwame kiiya kanika'unariemiki,

matsi heitseriemeki yamemitekahu wakii
'aixia pi'itiarie.

- 12 Tewi mipai pitimate kename huye muxuawe
naiti 'aixia 'anene,
matsi miki naiti huye miki teukiyapa ka-
neukayuyuneni.

- 13 Xika waikawa 'utananeni ra'iyaritsie
pitiyukukuine,
matsi temawierika kepauka meu'atiyani
tsuari xeikia payeika.

- 14 Mika'uka'iyari puyutemawie ke'axamitiyuriene
hepaitsita,
tewi 'aixia mitiuka'iyari puyutemawie 'aixia
mitiyurieneki.

- 15 Tewi 'atsimikatimate kemireuyewetse naime
yuri pirayeitiwa,
matsi mitimaiwe kaniyi'iwiyani kemitimie.

- 16 Mitimaiwe Yawé kanayemakaxeni 'ayumieme
kaniyi'iwiyani 'axamiti'ane hepaitsita,
matsi mikayuwairiya puyuta'ire meta
puyuwairiya mipai 'utaiti nenekaniyiwani.

- 17 Kemi'ane mayu'eriya yapauka 'axapitiyurieni
'atsikatimaiti,
matsi kemi'ane mitimaiwe miki pitikanewie.

- 18 'Atsimemikatemate kemireuyewetse
yamemiteyurieniki wa'imikieri
'axamiti'anene pirayani,

matsi memitemaiwawe mepipitiarie
metemaiwaweti kemireuyewetse
memumatsiikiniki.

19 'Axateyuruwamete 'aixia memite'u'iyari
wahixie mekanikatunuma'uikuni,
'axamemite'u'iyari mekanitihixima'uikuni
heitseriemeki yamemitekahu wakiteniet-
sie.

20 Kemi'ane tixaiti mikarexeiya hamikumamatiti
mekani'uxiwe'erieka,
matsi mekaniyumiireni xiku meminaki'erie.

21 'Axapitiyurieneni xika yuhepai tewi 'uxieka,
'aixia pi'itiarieka kemi'ane tixaiti
memikatehexeiya miwanenimaya.

22 Kemi'ane 'axamemiteyuriku mepeiyehiani
huye 'aixia mi'ane,
matsi naki'eriya meta tita yuri miraine
mepukaxexeiya kemi'ane 'aixia
memiteyurie.

23 Naime 'uximayatsikatsie 'ikwaxi puxuawe
matsi xika yakixeikia tikuxatani tixaiti karex-
eiyati payani.

24 Mitimaiwe pumatsiiki yatimaiti tita
mireuyewetse yamitiyurieniki,
memika'u'iyari mepumatsiiki ke-
memiterukutsixiki.

- 25 Kemi'ane yuriki munierixi pitikuxata 'itsikate
wahixie hipame wawikweitsitiati,
matsi kemi'ane ka'uniereka yamitikuxata 'at-
simikatiuyuri kanimieriniamiki.
- 26 Kemi'ane Yawé mayemakaxe miki yuhetsie
nunuwame pexeiya
meta tiiriyamama mepi'iwiyarieka.
- 27 Kemi'ane Yawé mayemakaxe miki tukari
pupitiarie 'anayuhayewame,
meta miki winiyariyaritsie kaniutawik-
weweni.
- 28 Ti'aitame teiteri yuwaikawame wahetsie
ti'aitati pumariwe,
ti'aitame kawarexeiyati kemi'ane
mitiwaruta'aitiani pitewiyatsitarieni.
- 29 Kemi'ane mika'ayu'eriya pimatsiiki waikawa
kemitimaiwe,
matsi yapauka mayu'eriya pimatsiiki
ke'axamitiyurie yutemawieti.
- 30 Xika yu'iyaritsie 'aixia tiyikihaweni 'aixia
pireu'erieka yuwaiyaritsie,
matsi 'uxiwe'erika naime 'umete
pitixitiaxime.
- 31 Kemi'ane tixaiti mikarexeiya minanaima miki
Kakaiyari pinanaima kemi'ane mitawewi,
matsi tixaiti mikarexeiya minenimaya miki
Kakaiyari hepaitsita 'aixia pitiyukihawe.

32 'Axatiyuruwame kanekawautseni yukimana
'axatiyurieneti,
kemi'ane heitseriemeki yamitikamie tsepa
mimixime pi'iwiyarieka.

33 Memitemaiwawe yu'iyaritsie ke-
memite'uyemate pitihipine,
matsi memikayuwairiya 'etsiwatima
mepika'imate.

34 Kepauka teiteri heitseriemeki yamemitekahu
kiekari mariweti payeika,
matsi kepauka teiteri 'axamemiteyurie naime
kiekari mepitewiyatsitia.

35 Kemi'ane mitimaiwe ti'aitame pitemawieritia
yu'uximayatsikaki,
matsi ti'aitame piha'a ti'uximayatameya
yamikatikamieki mitewiyatsitiaki.

15

1 Niuki heitserie 'aixia maniyine haxia pukux-
eriya,
matsi niuki mixika waikawa haxia
kanayeitiwani.

2 Memitemaiwawe metekuxatakaku hipati
waikawa mepitehetimamateke,
mikayuwairiya teiteri muwaparewieniki yaki
xeikia katinikuxatani.

3 Yawé naitserie puyeika taniereti,

waxeiyati 'aixia memite'u'iyari meta
'axamemiteyurie.

4 Niuki mitiyinitwa miki ra'iyaritsie tukari
tiyupitiwame kanihikini,
matsi niuki 'axamaniyine 'iyari
pihiweritiawe.

5 'Axamitiyuriene yutemawieti panati'ewa paa-
paya 'ixatsitiakaku,
katinimaiweni kemi'ane miyi'ixatsitiarinia.

6 Heitseriemeki yamitikamie kiena 'ikwai
panayuhayewa,
matsi 'axamitiuka'iyari kie 'uximatiarika
waikawa puxuawe.

7 Memitemaiwawe metekuxatakaku hipatita
metemaiti mepakika,
memikayuwairiya hipame memuwa-
parewieniki wa'iyari 'etsiwatima mipai
pikatiku'eriwa.

8 Yawé 'axateyuruwamete wamawari
kani'uxiwe'erieka,
matsi puyutemawie heitseriemeki
yamemitekahu wanenewieriki.

9 Yawé 'axateyuruwamete wahuye
kani'uxiwe'erieka,
matsi puwanaki'erie kemi'ane tita
mitiheitserie memite'uweiya.

- 10 Kemi'ane huye 'aixia mi'ane muku'eirieni
waikawa katinita'ikitiariemiki 'anayewei-
wati,
matsi kemi'ane mitixani'eri miki pumierieni.
- 11 Yawé naime katinimaika teukiyapa meta
meukatewatsie timieme,
matsi tewi kemitiyikihawe yu'iyaritsie miki
pumate.
- 12 Kemi'ane mitiyukatawe'erie pika'inake
mita'ixatsitiarieniki,
meta pika'inake memitemaiwawe miwanika.
- 13 'Iyari xika yutemawieka pimatsiiki tahixie paiti,
'iyari xika tiuka'eniwani yaxeikia
pimatsiikita.
- 14 Memitemaiwawe mepiyuwairiya matsi
waikawa memite'uyemaikaki,
memikayuwairiya hipame memuwa-
parewieniki 'axaniuki xeikia mepukwa'a.
- 15 Naiti tukari 'axapi'anene munutuixie
hetsiemieme,
matsi muyutemawie hetsiemieme tukariki
'ixiarari puxuawe.
- 16 Matsi 'aixia pi'ane 'etsiwa mirexeiyani Yawé
'ayemakati,
matsi 'aixia pika'ane waikawa mirexeiyani
tiuka'eniwati.
- 17 'Aixia pi'ane mititsitsiirawi xika tetekwaka teyu-
naki'erieti,

'aixia pika'ane wai xika tekwaka
teyu'uxiwe'erieti.

- 18 Kemi'ane mayu'eriya yapauka payumiewe,
kemi'ane mika'ayu'eriya kayuwati puwapitia
hipame.
- 19 Miyi'iraxie huyetana waikawa xuya kanixu-
aweni,
matsi heitseriemeki yamemitekahu wahuye
'apatayewa.
- 20 Temaiki mitimaiwe yupaapa pitemawieritia,
matsi temaiki mika'uka'iyari yumaama
pitewiyatsitia xeikia.
- 21 Mikatimaiwe puyutemawie yaki xeikia
tiyurieneti,
matsi mitimaiwe yuhuye yikimana
piheitseritia.
- 22 Kepauka 'ixatsi meuyewetse ketemiteku'eriwa
yapikatikiyine,
kepauka tanaiti temuyu'enie teyu'ixatsitaiti
'aixia pitikiyine.
- 23 Witsipi'ane xika 'aixia 'anemeki waku'eiyani,
meta waikawa witsipi'ane xika 'uta'eiyarieni
kepauka meuyewetse.
- 24 Mitimaiwe tukari huyeyari taheima meutiyune
'utia pumie,
miki teukiyapa meukahiiyaniki puyutawik-
weitsitiwa.

- 25 Yawé memiꝑuti'ire wakii kaniti'unani,
matsi wiuraxi wakwie pi'iwiya kapa
me'unawaiyarieniki.
- 26 Yawé kaniwa'uxieka 'axateyuruwamete yaki
xeikia kememiteku'eriwa,
matsi pinake niuki miheitserie.
- 27 Kemi'ane waikawa mirexeiyaniki mitihiwe'erie
'aixia pika'ane tiriꝑamama wahet-
siemieme,
matsi tumini mika'anu'iwe hetsiena miraka
memiteheuyehiwirieniki miki yuheyemeki
tukari hexeyati payani.
- 28 Heitseriemeki yamitikamie yapitimate
yu'iyaritsie kemitayini,
matsi 'axamemiteyurie 'axati'aneme xeikia
mepitekuxata.
- 29 Yawé 'axateyuruwamete kawa'enieti 'ateewa
puyeika,
matsi heitseriemeki yamemitekahu wane-
newieri kani'enieka.
- 30 Kepauka xewiti 'aixia 'iyari miratahiawe 'ana
'iyari puyutemawieka,
meta niuki 'aixia maniyine tirikariya
pitiyupitiwa.
- 31 Matsi kemi'ane 'ixatsi mi'enie yapiretimaixime
yutukari hetsiemieme,
'ayumieme memitemaiwawe watsata
puyeikani.

- ³² Kemi'ane 'ixatsi mikanaki'erie yikimana puyunanimani,
matsi kemi'ane 'ixatsi manu'enieni timaiweti payani.
- ³³ Kemi'ane Yawé mayemakaxe heitseriemeki yapitikamie meta pitimaiweni,
kemi'ane tixaiti mikarayuyeitia 'aixia pirahiawariwa 'aixia mitiyurieneki.

16

- ¹ Tewi yaputaine kemitiyurimiki,
matsi Yawé pita yapitipitiani kemitiyurieni.
- ² Tewi yapitiku'eriwa yuhetsiemieme kemitiyurieni kename 'aixia ti'ane naiti,
matsi Yawé pimate kehepaititi mitiyuriene.
- ³ Naime kepemitiyurieneki Yawé ketineuhiritia,
kepemitiku'eriwa 'ana yapitiyini.
- ⁴ Yawé naime kemitiyuriene yatimaiti pitiyuriene,
meta 'axatiyuruwame putawewi 'imatirieka tukaritsie mutika'eniexianiki.
- ⁵ Yawé memuyuti'ire kaniwa'uxiwe'erieka,
matsi kaniyuritini katinika'eniexiamiki.
- ⁶ Xeyunaki'erieti meta yuri xehaitikaiti xekateneuyuyehiwiriekakuni,
Yawé 'ayemakati xeikia piyiwe 'axamiti'ane minewieniki.

- 7 Yawé kepauka tewi 'aixia m̄itixeiya hetsien-
amieme kaniyutemawieka,
metatsiere memeye'unie 'aixia
mete'ixeyakame kaniwarayeitiaka.
- 8 Matsi 'aixia p̄i'ane 'etsiwa m̄irexeiyani heit-
seriemek̄i yatikamiet̄i,
matsi 'aixia p̄ika'ane waikawa m̄irexeiyani
heitseriemek̄i yakatikamiet̄i.
- 9 Tewi yap̄itiku'eriwa kem̄itiyurieniki
yuhetsiem̄ieme,
matsi Yawé p̄ita heitserie pexeiya m̄ipai
m̄itiyurieniki.
- 10 Ti'aitame Kakāiyaritsie timieme p̄itikuxata,
miki 'itarikak̄i manutah̄iyaniki yap̄ikatayini.
- 11 Ti'in̄iniatamete 'aixia m̄i'anene Yawé hetsia
pum̄ieme,
naime ti'in̄iniatamete Kakāiyari kaninet̄iani.
- 12 Ti'aitame 'axamem̄iteyurie kaniwa'uxiwe'erieka,
kariki 'uweni 'aixia 'anemek̄i ka-
tini'aitamet̄ini.
- 13 Ti'aitame kaniyutemawieka miki
yamem̄itekahu wa'eniet̄i,
kemi'ane yuriki m̄itikuxata pinak̄i'erie.
- 14 Ti'aitame hax̄iaya katiniyumemiwani,
matsi kemi'ane m̄itimaiwe kaniȳiweni
min̄it̄ianiki.

- 15 Ti'aitame xika 'aixia 'anemeki ratahiawe
putukari,
parewiyaya 'imikieri miraye'axe hepai
kani'aneni.
- 16 Matsi mitimaiweniki mi'ayumieme
katinaye'aka keyuri huru,
meta katinaye'aka mitiuyemaikaki keyuri
pirata.
- 17 Kemi'ane heitseriemeki yamitikamie huyetana
'axamiti'ane pitiumawe,
kemi'ane yutukari miwikweitsitiamiki,
kaniyi'iwiyani kemitimie.
- 18 Kemi'ane mitiyukatawe'erie tiyu'uname het-
siena piye'ani,
kemi'ane muyuta'ire pekaweni.
- 19 'Aixia pi'ane xika haweri memi'anene wa-
hamatia tixaiti katihikitini,
keyuri memuyuti'ire wahamatia
pemiixikutiniki.
- 20 Kemi'ane niuki meti'enietiyeika, 'aixia ti'aneme
pitiukaxexeiya,
meta 'aixia pi'itiarie kemi'ane Yawé hetsie
mitiwiya.
- 21 Kemi'ane mitimaiwe mitiuyemate katinite-
waka,
kemi'ane witsi'anemeki mitikuxata 'aixia
piti'enierie.

- 22 Haa muhane hepai mekani'aneneni kemi'ane
kememiteyuriei 'aixia memitehakumate,
'axamemiteyurie meyutemamawieti
pikayiwe mitiwaruti'ikitiani.
- 23 Kemi'ane 'aixia mitiyukihawe kaniyiweni
yuneni mupirenutiani,
yuneniki kemitiyuriene naime katinimaika.
- 24 Mutiyukanaki'erie niukieya xiete hepai
kana'aneni,
'atukari 'aixia kaniyurieka meta 'awaiyaritsie
'aixia pekatineu'erieka.
- 25 Teiteri kememiteyurie 'aixia ti'aneme
mepite'erie,
matsi miki huye miki teukiyapa
kaneukayuneni.
- 26 Kemi'ane yehaakamineti 'amuyeika haaka
wairiyarika pipitia miti'uximayakaki,
kemitiyehaakamineki wairiyarika
piti'uximaya mitikwaniki.
- 27 Mika'uka'iyari pihine 'axamiti'aneki huxunu
hepai,
meta 'axamiraniuwe tai hepai katiniyu-
taiyani.
- 28 Kemi'ane 'axamitiuka'iyari 'imieri pawiwawe,
niukiperai kaniwataxiwani 'aixia
memiteyuku'eriya.
- 29 Mayu'eriya yuhepai tewi kanikwamanani,

kani'inieka xeikia yuhuyeta 'ax-
akemitiyurienetsie.

³⁰ Kemi'ane yuhixiki 'iniari metsiwewirie miki 'ax-
ametsiyurimiti piyiane,
kemi'ane mita'atse 'ariri miki 'axakatini-
uyurieni.

³¹ Mutuxaiya kuruna kanihikitini 'aixia
kemitixeyariekaki,
'aixia 'anemeki 'uyeikati kane'iwamiki.

³² Matsi 'aixia pi'ane petiukanewieti keyuri
pera'a'iwamiti,
matsi 'eki 'a'iyari kenenitiaweni keyuri
kiekarite peka'a'iwake.

³³ Teiteri kememiteyurieniki yamepitemekuwaitiwe,
matsi Yawé pita yapitikuyuruwa.

17

¹ 'Aixia pi'ane matsi kayuwati temu'uwaniki tsepa
paa tsetse'ime temukwa'a,
keyuri temuyukwitiweni 'ixiarari
tewewietiweti.

² Ti'uximayatame mitimaiwe yukutsiyari nu'aya
mikayukatewiya pitita'aitiani,
hiki mikita pitiyetuiiriyarieni tita
mitipiinieyatikai yukutsiyari niwemama
wahamatia.

- 3 Tai kwinimieme mitixikaki huru meta pirata
kanikwaxiyarieka huxunuta,
matsi ta'iyari Yawé pita kani'iniatani.
- 4 'Axatiyuruwame yuhepai 'axatiyuruwame
kani'enieka,
miti'itawa yuhepai miti'itawa kani'enieka.
- 5 Kemi'ane tixaiti mikarexeiya muyuriya miki
Kakaiyari mitawewi kani'uxiwe'erieka,
kemi'ane muyutemawie 'ixeiya
tiuka'eniwame miki pikareuyehiwiyarieni
pu'uximatarieni.
- 6 'Ukiratsi teukarimama kurunaya
mekanihikitini,
tiiri yupaapama waheki mepuyuti'ire.
- 7 'Aixia pika'ane mika'uka'iyari 'aixia
mitikuxatani,
yaxeikia 'aixia pika'ane ti'aitame
mitiku'itawaniki.
- 8 Kemi'ane tumini miwata'iitiwa 'awie
yamemiteyurieniki hipati kemitinake,
miki 'itsi mariweme makwe'e puyu'erie,
matsi miki kemitiyuriene naiti yapatikiyine.
- 9 Kemi'ane mireiyehiwirie 'axamutayi miki
naki'eriya pukaxexeiya,
kemi'ane 'axamiraniuwe kareiyehiwirieti
hamiku pikahexeiya.
- 10 Kemi'ane mitimaiwe xeiniukiyariki peu'ena,

mika'uka'iyarita tsepa xeitsienituyarimexia
muweiya miki pika'anu'ena.

- 11 Kemi'ane mayu'eriya kemi'ane mitamieni
kanikuwauneni,
peru xeime panini'aiyarieni matsi waikawa
mitirikaiye.

- 12 'Aixia pi'ane hutse xika 'anukunake mayu'eriya
yuniwema munawaiyarie,
keyuri 'atsimikatitude xika ranukunake.

- 13 Kemi'ane 'aixia tixeyarieti 'axamiti'aneki
mitiwarakapitiwa,
yuheyemeki tiriyamama 'axamepi'itiarieka.

- 14 Xika 'imieri 'utsutiani haa manutanama
manuta'una hepai pitikiyine,
matsi 'aixia pi'ane mitihayewani
'axatiyurieneti.

- 15 Yawé 'iki hutame pu'uxiwe'erie:
hetsiena mirahiwa xika 'uxinarieni 'aixia
pika'ane
hetsiena mikarahiwa pita xika 'anutahiiani.

- 16 Mika'uka'iyari xika 'atsikatimaika tsepa tumini
mexeiya,
pikayiwani mitimaiweniki mi'ayumieme
minaneniki.

- 17 Hamiku yuheyemeki pituyukanaki'erie,
kepauka 'uximatiarika mexeiyantsie yu'iwa
hepai pitimaika.

- 18 Tewi mikatimaiwe yapitayini xeime
hetsiemieme mirayukatuaniki,
miki xeime hetsiemieme rapiti payeika.
- 19 Kemi'ane minake 'axamitiyurieneniki miki kan-
inakeni muyutamieniki,
kemi'ane kwinimieme miraniuwe tenieya
manutatsanarieniki kanikuwaneni.
- 20 Kemi'ane mitiyukwamana hatsuaku 'aixia
'itiarieti pika'ayani,
kemi'ane miti'itawa tsiepire hetsiena kati-
nahiiwani.
- 21 Kemi'ane temaiki katiyu'aitiariniakame mex-
eiya miki pirahiweritiaka,
xika mipai 'anekame hexeiyani temawierika
pika'ukaxeiya.
- 22 Waikawa yu'iyaritsie xika yutemawieka 'uaye
hepai kani'aneni,
kepauka pemikayutemawieka 'awaiyaritsi-
eta pepuwerani.
- 23 'Axateyuruwamete tumini meminaki'erie
tixaitiki 'awie yameteyurienike,
'itsikate niuki tutunime xeikia mekani'enieka
tumini memani'iweki.
- 24 Kemi'ane mitimaiweniki mi'ayumieme mexeiya
waikawa kaninaki'erieka,
mikayuwairiya hipame muwaparewieniki
'atsipikatimate ketita mireuyehiwa.

- 25 Temaiki mika'uka'iyari yupaapa xeikia
pihaxiatiwame,
yaxeikiata yumaama kani'uximatiaka.
- 26 'Aixia mitiuka'iyari xika 'anutahiani 'aixia
pika'ane,
yaxeikiata 'aixia pika'ane 'aixia mitiuka'iyari
xika 'ukuwaxiani heitseriekameki
'amuyeikaki.
- 27 Kemi'ane mitimaiwe 'etsiwa xeikia pitikuxata,
kemi'ane mitiuyemate miki yapauka yuhetsie
pikatikupitiwa.
- 28 Matsi 'axamitiyuriene yutemawieti timaiweti
payani xika kayuwati tiuyerini,
xika tiuhayewa yutetaki matsi timateti
pi'eriwani tsepa 'atsimikatitude.

18

- 1 Kemi'ane yuxaitame xeikia mayu'eriwa yuhet-
siemieme xeikia pitikuwaune,
naime 'ixatsi 'aixia mi'ane hepaitsita
puyeha'ariwe.
- 2 Mikayuwairiya teiteri muwaparewieniki
pika'inake meitimaitiyeikaniki,
pinake xeikia 'etsiwa kemi'tiuyemate
mitikuxatani.
- 3 'Axamitiuka'iyari 'axapiraxaxatsiwa xeikia,
tewiniarikaya xeikia hetsiena puxuawe.

- 4 Tewi mitimaiwe niukieya haramara 'amatiyewa
'emeukatewa hepai kani'aneni,
meta haa 'aki'utia muhane hepai kani'aneni
kemi'ane mitimaiwe.
- 5 'Aixia pika'ane xika hetsiena mirahiiwa 'uxina,
meta 'aixia pika'ane xika heitserie mexeiya
hetsie pita rahiiwani.
- 6 Mikayuwairiya teiteri muwaparewieniki
'axa'anemekixeikia putaniuka,
yutetaxeikia 'axaputaine mitamierieniki.
- 7 Tewi kenametimate mutaine miki yuwiniyarit-
sie puyutahiani,
yuteniki kemitikuxata miki yaki xeikia
pirayani.
- 8 'Axaniuki witsikatini'eniiriikini 'aixia ma'aneni
hepai,
miki rataita paiti kaniye'axeni.
- 9 Kemi'ane miyi'iraxie mikati'uximaya,
kaniyutaxewireni xeime miraka'una
hamatia.
- 10 Yawé kawi 'amutewi hepai kani'aneni,
hetsiana mekaniutinanautsani heitseriemeki
yamemitakahu memitawikweitsitarieniki.
- 11 Kiekari mitirikaiye mukurarutiarie hepai katin-
imaika xiku tita waikawa mirexeiyaki,
meta kuraru 'amatititi mikayu'unania
hetsiena nunuwame kani'erieka
kemirexeiyakimixiku.

- 12 Muyuta'ire yukimana kaniyutaxitiamiki,
kemi'ane tixaiti mikarayueitia 'aixia tixeiyar-
rietit kanayeitiariemiki.
- 13 Mika'uka'iyari kaniyutewiyatsitimiki,
xika 'aixia kati'enaweti waruta'eiya.
- 14 Yuwairiyati kemitiuka'eniwa kananayewemiki
mitikuye,
Ɂmatsi kemi'aneta mukayuwairiya
keranayeweni yuhiwerietit?
- 15 Kemi'ane mitiuyemate yu'iyaritsie katinimai-
weni,
memitemaiwawe mitiuyemaikaki
mekanikuwaitiweni.
- 16 'Imikieriki naitsarie kitenietsie
katineuyepierikeni,
meta yaxeikia teiteri memimamariwawe
yukitenietsie mepimeteheuyepirieni.
- 17 'Itsikame hixie kemi'ane matiari mieme ma-
niuka kename 'axakatiuyuri 'utaiti,
peru hipatita mekani'axiakuni memune-
nierixi yame'utiyuati kename 'axatiuyuri.
- 18 Kaka'iyari 'imieri mayetirika'ye kaneuti-
paritiwani,
'imatirieka pihekiare kemi'ane heitserie mex-
eiya.
- 19 Matsi pukwaniwe ta'iwa teminitianiki keyuri
kiekari naitsata heunatikaime,

kepauka tewi mitiyuxaneta tepia 'itupari
warita mutuika hepai 'aneme kanexeiyani
yu'iyaritsie.

²⁰ Tewi pihine tita mitikuxataki,
meta putahuxariwa yatikuxatati.

²¹ Neni tirikariya kanexeiyani tukari mirapitianiki
meta miranawairieniki,
'apepirapiniyarieni 'ateniki kepemutayi.

²² Kemi'ane yu'iya mukaxei temawierika kanikax-
eiyamiki:
Yawé 'inaki'erietí mitiyetuiriki.

²³ Tixaiti mikarexeiya katiniku'iwawani,
xikuta kanita'eiyamiki 'ihekatí.

²⁴ Mekanixuaweni hipati hamikutsixi
'axamiraku'anetsie memumatsi'atianiki,
hipatita hamikutsixi mekanixuaweni 'aixia
mete'u'iyariti keyuri 'a'iwa.

19

¹ Matsi 'aixia pi'ane tixaiti karexeiyati peru 'aixia
tikamietí,
keyuri kayuwariryati teiteri muwa-
parewieniki meta 'axatiniukiti.

² 'Aixia pika'ane pekareutamaiwetí xika petiut-
sutiani,
kemi'ane muyutimexiitiani miki
puyutewiniáni.

- 3 Tewi mika'uka'iyariki 'ayumieme yuhuye
peuehipa,
meta Yawé hetsiemieme puyeha'awe.
- 4 Kemi'ane m̥ixiku hamikumama
mekaniyum̥ireni,
matsi kemi'ane tixaiti mikarexeiya hamikuya
piku'eiri.
- 5 Kemi'ane 'uniereme muyuxata tiku'itawati miki
katinika'enitsit̥ariemiki,
yaxeikiata kemi'ane miti'itawa
p̥ikareuyeh̥iwiyarieni.
- 6 Xikutsixi waikawa hamikutsixi mekaniwareux-
eiyani,
yunaiti teiteri mekaniwatemawikuni 'etsiwa
'imikieriki.
- 7 Kemi'ane tixaiti mikarexeiya 'iwamama
mekanixani'erieka,
matsiri hamikumamat̥iti mep̥ikahenuku'erieni.
Tsepaneti m̥iwakuwaune memiparewieniki,
hawaiki p̥ikawarekaxeiya.
- 8 Kemi'ane timaiti 'amuyeika miki yukimana
yu'iyaritsie kaniyunaki'erieka,
kemi'ane yuhetsie m̥itimaiwe 'aixia
p̥itiyeyani.
- 9 Kemi'ane 'uniereme muyuxata tiku'itawati miki
katinika'enitsit̥ariemiki,
kemi'aneta miti'itawa miki
kanika'unariemiki.

- 10 Mikayuwairiya hipame muwaparewieniki
 'aixia pika'ane witsimitiuye'anetsie
 mayekaniki,
 meta 'aixia pika'ane wairiyarika
 miti'uximaya te'aitamete memanuyetei
 mitiwata'aitianiki.
- 11 Mitimaiwe heitseriemeki yakatinikamieni ka-
 tiniyukanenimayaka,
 matsi witsimitiuka'iyari kaninenimayaka
 kemi'ane 'axamiyuri.
- 12 Maye mahiwa hepai kani'aneni ti'aitame
 haxiaya,
 kepauka miki muyutemawie 'ixa
 mihatuiyarie hepai kani'aneni.
- 13 Temaiki 'axamitiuka'iyari yupaapa
 kanihiweritiaka,
 'uka muwikie mayu'eriya haa mikatsuke
 hepai yikina katini'uximatiaka.
- 14 Kii meta tumini rapaapa katinaku'eiririemiki,
 'uka mitimaiwe Yawé 'imikierieya kinaya het-
 siemieme kanihikitini.
- 15 Kemi'ane miyi'iraxie kwinimieme katinikuneni
 xeikia,
 meta kaniyehaakamneni.
- 16 Kemi'ane 'iniari niukiyaritsie yamitikamie miki
 yuhetsiemieme kaneye'atiaka,
 matsi kemi'ane mitixani'erieni kanimimiki.

17 Tixaṭi mīkarexeiya xika tumini pe'umini Yawé
pekaniniṭiaka.
Miki Yawé pumerakapitiani 'aixia
kepemiṭiuyuriki.

18 'Aniwe keneheitseritiaka mexixi 'akuxi
yu'ixatsitiarinia,
matsi pepika'iparewieka miminiki
peka'ita'ixatsitiayu.

19 Kemi'ane mayu'eriya waikawa ka-
tinika'eniexiamiki 'uximatiarikaki,
kemi'ane minitiamiki matsi waikawa piye-
haxiatiani.

20 Kemi'ane 'ixatsi mi'enie kaniyuwairiyani 'aixia
mititahiawarieniki,
matsi waikawa timaiweti kanayeimiki.

21 Tewi waikawa puyu'iyaritia yu'iyaritsie
yamitiyurieniki,
matsi 'imatiriekaka Yawé kemitinake yapitiyini.

22 Yunaiti teiteri mekanitakwewiekaka kemi'ane
wa'enieti muwatanaki'erieniki,
matsi 'aixia pi'ane tixaṭi mīkarexeiyani
keyuri ti'itawati.

23 Yawé 'ayemakati xika 'uyeikani tukari ka-
niukaxeyamiki,
hamatiana 'akaniuyeikamiki 'aixia 'iyari meta
katiuka'eniwati.

24 Miyu'iraxie xakitsie xeikia kaneukamemeni,

matsi 'akuxi kaneiyehiaka miramikiwaniki
yuteta paiti.

²⁵ Kemi'ane mitiyukatawe'erie ke'ukuweiyaxiani,
'ana 'atsimikatitude kemireuyewetse
yamitiyurieniki niereme yapiretimani,
kemi'ane mitiuyemate keneutaheitseritia
'ana tiuyemaitia kanayeimiki.

²⁶ Kemi'ane yupaapa mitinawatsiriwa meta yu-
maama takwa paiti manuyehipa,
miki temaiki mika'uka'iyari meta
mika'uyukatewiya kanihikitini.

²⁷ Temaiki, xika ne'ikitsika peka'u'enieni,
'ixatsi 'aixia mi'ane pekaniku'eirimiki.

²⁸ Kemi'ane 'uniereme yuxatati mitiku'itawa miki
tita mitiheitserie kaninanaimaka,
'axatiyuruwame teta kanayeneikani tita
'axamiti'ane xeikia.

²⁹ 'Iwaiyi kaniha'aritsieka mitiuyukatawe'erie
hetsiemieme,
mikayuwairiya teiteri muwaparewieniki
kanikuweiyaxiamiki.

20

¹ Xika winu 'anu'ieni ka'uka'iyariti payani,
yaxeikia nawa xika 'anu'ieni teiteri
piwaxamurieni,
xewiti 'ieti timaiweme hepai pikatiku'eriwa.

- 2 Ti'aitame kepauka miha'a maye muyuta-haxiatywa hepai kani'aneni,
kemi'ane miyehaxiatiani tukarieya
pukweriwa'aneni.
- 3 Kemi'ane haxia minitiawe 'aixia pirahiawariwa,
matsi 'axamitiyuriene yutemawieti
pitsutsutiwame.
- 4 Miyi'iraxie kepauka mikatakwietsana
pikaka'eni,
kepauka 'itsanaxa maye'ani pireuyehiaka
peru pikarexeiyani.
- 5 Tewi kemitiku'eriwa haa 'ameukateewa hepai
pi'ane,
matsi kemi'ane mitimaiwe yapauka peiti-
maitiyeika.
- 6 Yumiireti mipai meputiyuane kename 'ahetsie
metewiya,
kemi'ane piyiwe tewi 'aixia mitiuka'iyari
mitaxeiyaki yuri miti'eririekaki?
- 7 'Aixia katinixeyarieka kemi'ane 'aixia 'anemeki
'amuyeika,
Niwemama yupaapa hepai meteyurieti 'aixia
mekani'itiarieka.
- 8 Kepauka ti'aitame yu'uwenitsie 'amayerini
wataxanetake,
miki 'ana xeinieriyariki tinaime 'axamiti'ane
katinaku'itiwani.

- 9 ¿Kemi'ane mipai pitayini:
«Ne'iyari kani'itiyaka 'axamiti'ane
katiniumaweni»?
- 10 Tiwiwitiwame 'axami'ane meta 'iniaritsie
mitiyukwamana:
miki tihutame Yawé pitixani'erie.
- 11 Iki temaiki kemitiyuriene teiteri yamepitemate,
kemitiyuriene yemeki xika 'aixia ti'aneni yati
hawaiki.
- 12 Tanakateki temeu'enanaki meta tahixiteki
temeuneniereniki,
miki tihuhutame Yawé katiniutiwewieni.
- 13 Pekuneti xeikia tixaiti perexeiyati pepika'ayani,
matsi pita peti'uximayati 'ikwai pekanex-
eiyakamiki 'anayuhayewame.
- 14 Tinaweme mipai kanaineni: «Tixaiti
pikatiyunaki'erie 'utaiti»,
matsi 'arieketa mipai kanainemiki 'aixia
pi'ane.
- 15 Huru waikawa kanixuaweni meta tetexi
witsi'aneneti,
matsi waikawa piraye'axe timaiweme
'ixatsieya kemaniyine.
- 16 Xika xeime hetsiemieme pera'akatuani
kemi'ane pemika'imatetsiemieme,
tixaiti pepititawawiyarieni pemitiyetuaniki
'akamixa 'emutsuye paiti peka-
neuyehiamiki.

- 17 Tewi miti'itawa witsira'ane kame pitikwa'a
xeime tiu'itaiyaka,
matsi 'imatiriekā miki tewi kanitahinimiki
xiekari 'axami'ane tetana meutawiwieni
hepai.
- 18 Kepemiti'a'iwiyāniki kene'eniekā
memitemaiwawe wa'ixatsika,
matsi pemiyiwekaxianiki waikawa
mirayukwitinetsie.
- 19 Kemi'ane niukiperai mihiki tinaime piraxatawe
teiteri memitehetimaniki,
kemi'ane waikawa memutiniuka wahamatia
pepika'axewiriyani.
- 20 Kemi'ane yupaapa yumaama wahepaitsita 'ax-
amutaine,
miki kanimimiki yemeki yiwipa
kaniyuhayewaki.
- 21 Tita pemira'iwaxi pekati'uximayati,
'imatiriekā temawierika pepikahexeiyani.
- 22 Hatsuaku mipai pepikahaineni:
«Yanepirekapitiani miki 'axaminetsi'uyuriki».
Yawé yuri ketine'eririekā miki pumatsi-
parewieni.
- 23 Yawé tiwitiwame 'axami'anene meta
'iniaritsie mitiyukwamana,
miki tihutame Yawé pitixani'erie.
- 24 Tewi kemitimie Yawé kaniwitiximeni.
¿Tewi yukimana yuhuye keretimani?

- 25 Pukweriwa'ane xika Yawé hixie kename
petiyetuani hetsiana timieme pehaiti,
matsi 'arikeke xika yapekatikayani kepemu-
tayi 'aixia pika'ane.
- 26 Ti'aitame mitimaiwe tiriku manuyexiriwa hepai
pitiyuriene,
miki 'axateyuruwamete murinata hepai kani-
wareuyetixini.
- 27 Tewa 'iyarieya Yawé kixemeya kanihikitini,
temitemaiwaweniki tahetsie ketemi'anene
meta tataita.
- 28 Nenimayatsika meta tita yuri miraine ti'aitame
kanitirikariyani,
miki tiyukanenimayati xeikia yu'uwenitsie
kanayeixani.
- 29 Temari witsikememiteheu'erie miki
kaniwatirikariyatini,
meta 'ukirawetsixi yamemitekahu miki
wamutuxaiya miixa wiyari memu'uwa
kaniwa'iniairitini.
- 30 'Iwaiyi mitiyukukuine pu'uaye meta 'aixia ka-
maniyurimiki,
xika pekuweiwani matsi 'aixia pekaniiyimiki
'aiyaritsie.

21

- 1 Ti'aitame 'iyarieya 'aki'utua haa muhane hepai
kani'aneni Yawé yatini'akaku,
'itani'awakaku miki hakewa meinake.

2 Yunaiti teiteri 'aixia meteyuriekame
mekaniyu'erieka,
matsi Yawé pitatsixeiya ta'iyaritsie
ketemiteyuriku.

3 Kepauka teiteri kemitiheitserie yamemiteyurie,
miki Yawé pinake keyuri mawari.

4 Kemi'ane mitiyukatawe'erie yu'iyaritsie meta
timaiweme muyu'erie,
meta 'axateyuruwamete wahepai xika
tiyurieneni miki 'axamiti'ane pitihiki.

5 Kepauka 'aixia mitiuyu'iyaritiani: 'aixia pitiyini,
kepauka mexiwa mitiuyurieni: 'axapitiyini.

6 'Itarikaki xika tiukaxeiya waikawa
pitiparike yapauka haiwitiri hepai peru
pimiya winiyari hepai.

7 Memiteyukananaima yikimana
mekaniyuka'unakuni,
memikayuwairiyaki heitseriemeki
yamemiteyuriekaki.

8 Kepauka tewi 'aixia mikatiuyeika huyeya tuniti
payani,
matsi kemi'ane heitseriemeki 'amuyeika
huyeya kanixeuraiyeni.

9 Matsi 'aixia kati'ane 'etsi'uyeyeukaku mayekani,
keyuri kii 'apameta 'uka mayu'eriya hamatia.

- 10 'Axatiyuruwame 'axamiti'anetsie xeikia
kaniyu'iyaritiaka,
hatsuaku 'aixia tiyurieneti pika'ayani yuhepai
tewi hetsiemieme.
- 11 Kepauka 'axamitiuka'iyari mitika'enitiarieni,
'ana mitiyukatawe'erie yapiretimani,
kepauka mitimaiwe mi'ixatsitiarie,
'ana mikatimaiwe yapiretimani.
- 12 Heitseriemeki yamitikamie 'axatiyuruwame ki-
iya kanixeiyani,
meta kemitika'unarieni kanixeiyani.
- 13 Kemi'ane tixaiti mikarexeiya mika'enieni
ra'iwawakaku,
mikitatsiere yaxeikia petatsuani 'anari xewiti
pika'ita'eiya.
- 14 'Awie 'imikieri xika pe'utuituarieni haxia
kaninitiaweni,
'ana kwitiwa pekaninitiarieka
kepemitihakakai.
- 15 Tewi heitseriemeki yamitikamie pinake
muyutemawieka kepauka hipati hepaina
memiteyurie,
matsi 'axatiyuruwame kanimaka xeikia.
- 16 Kemi'ane mitihayewa 'aixia tiyurieneti
yuhuyeta,
miki yapauka mikite watsata
kaniyuhayewamiki.

17 Kemi'ane 'ixiarari minake tixaiti karexeiyati
payani:
winu xeikia minaki'erieki meta wit-
simitiu'atika miki hatsuaku waikawa
rexeiyati pikahayani.

18 'Axa mitiyuriene 'aixia mitiyuriene hetsiemieme
katinayukatuamiki,
tiyumiekame meta tinawayame
mepitehayukatuani teiteri 'aixia
memite'u'iyari wahetsiemieme.

19 Matsi 'aixia pi'ane makumawetsie pemukani
'axaita,
matsi 'aixia pika'ane 'uka miha'a meta
mayu'eriya hamatia pemukaniki.

20 Timaiweme kiitana waikawa witsipitiuye'ia
meta xikutiriya pitihine,
matsi mikayuwairiya muwaparewieniki
hipame katinitsewiximaka.

21 Kemi'ane heitseriemeki yamitikamie meta
mitiyukanaki'erie,
miki tukari kanikaxeyamiki, 'aixia ti'aneme
pitikaxeya meta 'aixia piraxaxatsiwani.

22 Mitimaiwe memitirikawi wakiekaritsie
kaniye'amiki kaniwara'iwamiki,
meta wa'ixumeri kananuta'unaxiamiki
ka'uniweme miki memi'eriekai.

23 Kemi'ane miyukweriwayurie kemitikuxataki,
miki hatsuaku hipati mepika'i'uximatiani.

- 24 Mitiyukatawe'erie miki puwatewiyatsitia
hipame meta pitiyuyuriya,
meta kemitiyuta'ireki xeikia hipame 'axa-
puwayurie.
- 25 Miyu'iraxie hiwe'erikaki kanimimiki,
mikati'uximayatamiki,
- 26 tukariki xeikia kanaka'iyuniwani tihiwe'erieti,
matsi heitseriemeki yamitikamie katiniyetu-
aka 'iyarieya ya'anyakaku tixaiti katiwakw-
eririeti.
- 27 Yawé 'axateyuruwamete wamawari
pixani'erie,
meta tsiere kepauka 'axa'anemeki mawari
memiyetua miki pixani'erie.
- 28 Kemi'ane 'uniereme muyuxata ti'itawati miki
kanaka'unariemiki,
matsi kemi'ane yuri mitikuxata
kemitiumierixi pupitiarieni yamitayiniki
kemitiumierixi.*
- 29 'Axamitiuka'iyari kemitiyuhawixi kename
'aixia 'ane putaine,
matsi tewi heitseriemeki yamitikamie
kemitiumieikaki kaniyuti'erieximiki.
- 30 Tewi kemitimaiwe Yawé hixie tixaiti pikatihiki,
meta tiuyemaiti, 'ixatsitaweti tixaiti pikatihiki
kemutaine.

* 21:28 21:28 Yatini kemi'ane mi'enie pukumaweriyarieni yuheye-
meki.

- 31 Yukawayu kanikuha'aritiwani kuyaxa 'imieri-
yari tukaritsie mieme,
matsi kemi'aneta mirayu'iwa Yawé
yatipitiakaku pirayu'iwani.

22

- 1 Matsi 'aixia pi'ane pemumatiwaniki 'aixia
petiuka'iyariti,
keyuri huru meta pirata waikawa pehexeyati
xeikia.
- 2 Mixiku meta tixaiti mikarexeiya miki yaxeikia
mepi'anene,
miki yuhutame Yawé kaniwarutiwewieni.
- 3 Kemi'ane mitimaiwe 'axamiti'ane katinixeyiani
miki 'ateewa puyeyeika,
matsi mikatimaiwe mana kaniuyeyeikani
'ayumieme pitiuka'eniwa.
- 4 Tixaiti pekare'ayeitiati Yawé pe'ayemakati mipai
pekatinipitiariemiki,
waikawa pepirexeiyani 'aixia
pepirahiawariwani meta tukari
pepupitiarieka.
- 5 'Axateyuruwamete wahuyeta xuya puxuawe
meta winiyari,
matsi kemi'ane yutukari mi'iwiya mana
pika'uyeyani.
- 6 'Aniwe 'etsimuyumate kenekuxaxatiwani huye
'aixia mi'ane,

kepauka 'ukiratsi mayani hatsuaku
pika'iku'eirieni.

7 Tixaiti mikarexeiya xiku ka-
tini'uximayatsiriwametini,
wairiyarika mekateniwa'uximayatsirieka
memitewarapinirieki.

8 Kemi'ane 'axa'ane kameki muka'etsa miki
'axati'aneme katinika'itsanamiki,
Yawé ha'ati yu'itsiki kanika'unamiki.

9 Kemi'ane mitiyukanenimaya mikita Kakaiyari
'aixia kaniyuriekamiki,
tixaiti memikatehexeiya mitiwamikwaki.

10 Keneuku'eiri kemi'ane mitiyukatawe'erie 'ana
'imieri pukumawere,
'ana kayuwati pitamare tierika meta tewi-
yarika.

11 Kemi'ane yu'iyaritsie miti'itiya mitinaki'erie
miki kanipitiarieka 'aixia miti'aneki
mitaniuniki,
miki ti'aitame kanihamikutani.

12 Yawé mitimaiwe pi'wiya kemi'ane waikawa
mitimate,
matsi kemi'aneta miti'itawa niukieya
kani'uxiwe'erieka.

13 Muyu'iraxie mipai kaniutaineni: «Maye takwa
peyeika,
mana kaye'utia netsihetatsana».

14 'Uka hipati memikumaⁱwa tenieya miki putsu
 'emeukatewa hepaⁱ kani'aneni,
 mikita muwa kaneukahⁱiyamiki kemi'ane
 hamatiana muyutaxewire Yawé
 'ihkakaku.

15 'Axamitiuyurieniki yutemawieti temaiki hetsie
 kaniyekani,
 matsi kiyeki kuweiwati ti'ikitiⁱarieti 'ana
 piretimani.

16 Xika tixaⁱti mikarexeiya petiunawatsirieni xiku
 pehayeimiⁱti,
 xika waikawa 'imikieri xiku petikumikwani,
 matsi pita 'akimana tixaⁱti pekarexeiyati
 pepa'ayeitiⁱwa.

Xeitewiyari heimana tamamata niukite memiⁱtemaiwawe kememutiyuane

(*Temai 22:17–24:22*)

17 Memiⁱtemaiwawe waniuki kene'enieka yemeki
 kememutiyuane,
 'a'iyaritsie 'aixia ketineu'ahiⁱawi kene-
 matikiⁱhiawe ne'ikitiⁱarikatsie.

18 Matsi 'aixia kani'aneni pemeixeiyani 'ataita
 paiti ne'ikitsika,
 meta pe'ikuxatati witsi'anemeki.

19 Yawé hetsie yuri ketine'eririeka,
 'eki nekamatiniuta'ikitiⁱani 'iki tukaritsie.

20 Ne nematsi'uti'utiⁱri xeitewiyari heimana tama-
 mata xatsikayari,
 mana niuki kanayehuni temaiwawemete
 wa'ixatsi.

- 21 'Tki niuki yuri maitika kametinita'ikiatia miki
pe'ihawe'eriekaku,
kimana 'aixia pemitiwata'eiyaki kemi'ane
memetsita'iwawiya.

Xewi

- 22 Tixaiti mikarexeiya pepikananaimaka, miki
tixaiti mikarexeiyaki,
meta 'itsikate wahetsia pepikawaxanetani
miki parewiya mekaneuyehiaka.
- 23 Yawé tixaiti mikarexeiya hetsie kanitanuamiki,
kemi'ane naimé mitinawairieni mikita naimé
pitinawaiyarieni.

Huta

- 24 Teiteri memiteyukananaima
pepikawahamikutaneni,
meta memayu'eririya wahamatia
pepika'uyeikani,
- 25 nika ke'axamemiteyuriki pewaruta'ike,
'ekita nika winiyaritsie wahepai pe'ahiani.

Haika

- 26 Mirapine hetsiemieme pepikare'akatuayani,
meta pepikarapika xeime hetsiemieme,
- 27 'eki xika peka'iyemanani ketitaki
pemirekapitiani,
pekaninawaiyariemiki naimé 'ahupume.

Nauka

- 28 Pepika'ikupatani kwie 'iniariyari meripaiti
mieme,
kememite'u'iniaritaxi tatutsima meripaiti
miemetexi.

'Auxiwi

- 29 ¿Tewi xeime yemeki 'aixia mitiu'uximayata
petixexeiya?
Miki te'aitamete wahetsia piti'uximayaka,
teiteri memikamatiwa wahetsia
pikati'uximayaka.

23

'Ataxewi

- 1 Kepauka ti'aitame hetsia pemitikwani,
kwiye meki keneu'a'iwaiya ketita 'ahixie
mirapine.
2 Xika kwinimieme peti'akwaiwieka,
yapauka pepikatikwaka.
3 'Ikwaiya witsimi'ane pepikahiwe'erieka,
matsi miki 'ikwai kwamanarika kanihikitini.

'Atahuta

- 4 Pepikati'a'uxitiaka xiku pemayaniki,
kwinimieme pepikatihiwe'erieka.
5 ¿Kamitsi pemixeiya petiyiwe?, matsi pumawe.
Wa'ati wa'anate manexiani hepai
mekani'aneneni,
miki mekananiwixiakuni xeikia kwixiri wa-
hepai.

'Atahaika

- 6 Mexa 'aurie pepika'utiyeixani xeime tewi
mitiukakwerie hamatia,
meta 'ikwaiya witsimi'anene
pepikahiwe'erieka,
7 miki kanihikitini 'axatiyukihaweti
mumatsi'inie,
mipai kanitayimiki «ketinekwaka ketine'ieka»,
matsi 'iyarieya yaka'ane kaku pumatikihawe.

- 8 Naime pekatananatihayamiki ketita
pemiitiutikwai,
'eki kepemititixatia tixaiti pikarayani hetsien-
amieme.

'Atanauka

- 9 Mikayuwairiya muwaparewieniki hipame
pikaheuyewetse pemi'ixatsitiaka,
'anari miki matsiyuriyati kanayeimiki tsepa
'ixatsi pemikuxaxatiwa.

Tamamata

- 10 Pepika'ikupatani kwie 'iniariyari meripaiti
miemete kemitiu'iniatsie,
tiiri nutuite wakwie pepikawanawairieka,
11 matsi waikawa kanitirikaiyeni wahetsie
nunuwame,
miki wahetsie kanitanuamiki
pemikawatsewiximaniki.

Tamamata heimana xewi

- 12 'Aixia ketineu'ena 'a'iyaritsie meta
kepemi'itikitie,
'ana pemitimaiweniki naime yapepiretimani.

Tamamata heimana huta

- 13 Temaiki peheitseritiati pepika'ihayewani,
tsepa pemikuwaxia mikiki pikamini.
14 Matsi yaperehiaweti keneukuwaxia,
miki mipai katiniyutawikweitsitiamiki mikite
watsata.

Tamamata heimana haika

- 15 Neuxei temaiki xika petimaiweti 'a'iyaritsie
pe'ayani,
neta ne'iyaritsie neyutemawieti
nekanayeimiki.

- 16 Yaxeikia waikawa netaita paiti nekaninetemaw-
iekamiki,
kepauka 'akimana 'aixia pemitikuxata
kemireuyewetse.

Tamamata heimana nauka

- 17 'Aiyaritsie pepikatihiwe'erieka 'axateyu-
ruwamete waikawa kememiteheuxeiya,
matsi pita Yawé pe'ayemakati meta
pe'akwerieti yaketinekamieni yuheyemeki.
18 Mipai peti'atemawieti pe'ukiratsititi pepimini,
titaki pemitita'ikwewa miki hatsuaku
pikaka'unarieni.

Tamamata heimana 'auxiwi

- 19 Temaiki, kenene'enieka meta waikawa ketine-
maiweni,
'ahuyeta heitseriemeki keneumieni 'aixia
petiyurieneti.
20 Kwinimieme memiteyu'iwawie wahamatia
pepika'uyeikani,
meta kwinimieme memiteyukwaiwawie wa-
hamatia,
21 kwinimieme memiteyu'iwawie meta
kwinimieme memiteyukwaiwawie miki
tixaiti mekatehexeiyati mepakine,
memiyi'iraraxieki 'ixuriki tsatsanime
mepanakatixiani.

Tamamata heimana 'ataxewi

- 22 Kene'enieka 'apaapa mumatsi'ayexei,
'amaama pepika'uxieka kepauka waikawa
mitseyeni yuwaiyaritsie.
23 Tita mitiyuri meta mitimaiweniki mi'ayumieme
'ahetsie keneupitia,

meta pemiheitseritiariekaki meta pemeiti-
maitiyeikaniki,
meta pepika'itsewiximaka.

- 24 Temaiki yamitikamie yupaapa waikawa kan-
itemawieritiaka,
meta kemi'ane yuniwe timaiweme mexeiya
kaniyutemawieka.

- 25 Mekeyutemamawieka 'apaapa meta 'amaama,
miki mematsi'utinuiwitiaki.

Tamamata heimana 'atahuta

- 26 Temaiki, yakenetineutahiawi 'aixia
peti'akihaweti 'a'iyaritsie pemumieniki,
nehuyeta keneumieni pepikaheuyewautseni.

- 27 Kariki 'uka tuminiki miyuwitinia putsu
'emeukatewa kanihikitini,
meta 'uka mika'a'iya putsu 'amuwakuyewa
kanihikitini.

- 28 Miki 'uka 'ukitsi muwahupie tinawayame hepai
kaniyianeni,
miki 'ukitsi yi'itama wahetsie
memikatewiyaniki xeikia puwakuwaune.

Tamamata heimana 'atahaika

- 29 ¿Kemi'ane piwahetsiemieme hiwerika?

¿Kemi'ane mepite'uka'eniwani?

¿Kemi'ane piwahetsiemieme 'imieri?

¿Kemi'aneta niukixiya piwahetsiemieme?

¿Kemi'aneta yaki xeikia mepite'uka'eniwani?

¿Kemi'aneta puwahetsiemieme hixite
mukuyuyuawi?

- 30 Kemi'ane puteyu winu mayema mika'utatuaya,
meta kemi'ane mikatihayewa hehekwame
manu'ieniki.

- 31 Pepika'aku'iwiyani winu kemi'aneki,

- meta tekixita yemati kemitiumerikaki,
 meta tsepa witsikemuki'iare,
 32 kariki miki kuu mayu'eriya mirakeni hepai
 kani'aneni,
 'imatirieka mirakenitsie kukuiniyaki
 katinamiemiki.
 33 Ahixiteki yiki ti'ananeme pepitixeiya,
 'anari 'axapetiyukihaweti pekanayeimiki.
 34 Haramara hixiapa muhaxime hepai
 pepiti'amaika,
 meta kanuwa ni'awame hepai pepiyianeni
 peheuyuyehiati.
 35 Mipai peputaineni: «Nepeutiweiyaxia, matsi
 pikanetsihewinixi,
 Nekaneutiweiyaxiani, matsi
 pikanetsi'ukukuine.
 Kepauka pamanutaniere mipai pepiti'erieni,
 tawarita nepikuwauni 'etsiwa
 nemenu'ieniki».

24

Tamamata heimana 'atanauka

- 1 'Axateyuruwamete kememiteyurie meta tita
 memitehexeiya pepikatihiwe'erieka,
 meta pemuwanikaki pepikakuwauneni,
 2 miki meteyukananaimati xeikia mekaniu'uwani,
 meta hipame 'uximatiarika
 memuwapitianiiki xeikia mekatenikux-
 atani.

Xeitewiyari

- 3 Waikawa rakumaiti piyiwe kii mutsutiani,
 kepemituyemateki kii tenarieya
 peputsutiani.

- 4 'Aixia perakumaiti 'akiita pepititahiniya,
witsimiti'aneneki meta waikawa
miraye'atikaki.

Xeitewiyari heimana xewi

- 5 Tewi mitimaiwe waikawa kanitirikaiyeni,
meta kemi'ane meu'ena matsi waikawa
tirikaiyeti payeixime.
- 6 Kepauka pemi'atamieni kaneuyeweka
pemi'atimaixianiki,
meta pemira'a'iwaniki yumireme wa'ixatsi
keneu'eni.

Xeitewiyari heimana huta

- 7 Xewiti tewi 'axamutiyuriene yutemawieti hat-
suaku timaiweti pika'ayani,
meta teiteri wahixie 'aixia mitayini pikayiwe.

Xeitewiyari heimana haika

- 8 Kemi'ane 'axatiyurimiti muyuha'aritia,
miki 'axatiyuruwame katiniteriwariemiki.
- 9 'Axamitiyuriene yutemawieti kemitiku'eriwa
'axamiti'ane kanihikitini,
teiteri memiteyukatawe'erie mekaniwax-
ani'erieka.

Xeitewiyari heimana nauka

- 10 Kepauka pemu'uximatiarietsie
pemikayuwa'riya,
'eki pepumatsiki pemikatirikaiyeki.

Xeitewiyari heimana 'auxwi

- 11 Keniwarutawikweitsitia kemi'ane memikwini
yuheyemeki,
keniwarukunuitia kemi'ane
memite'uka'eniwa mekwiximeti.

- 12 Tsepa mipai pemutaine, «Ne
 'atsinepikati maikai»,
 Kakaiyari hirixia pitimaikai 'a'iyari
 kemitiyukihawekai.
 Meta 'atukari mi'iwiya yapitimate,
 miki tewi 'akatinapiniyariemiki
 kemitiu'uximayataxi.

Xeitewiyari heimana 'ataxewi

- 13 Xiete kenanu'i, 'eki temaiki nemimatsinaki'erie,
 miki 'aixia kana'aneni,
 yemeki witsikatinakakani 'anenitsie xietexi
 waxieteyari.
 14 Mipaita katinakakani xika waikawa petimai-
 weni 'a'iyaritsie,
 heitseriemeki xika yapetikamieni Kakaiyari
 pimatsiparewieka,
 tita pemititakwewie miki hatsuaku
 pikaka'unarieni.

Xeitewiyari heimana 'atahuta

- 15 Heitseriemeki yamitikamie kie pepikahupaneni
 'axatiyuruwame hepai,
 meta kiitana pepikatinanaimaka.
 16 Tewi heitseriemeki yamitikamie tsepa
 'atahutamexia mekawe,
 miki kananukukemiki,
 matsi 'axateyuruwamete mekanekaxiriweni,
 matsi hatsuaku tawari mepika'anuku'uni.

Xeitewiyari heimana 'atahaika

- 17 Kemi'ane metsi'aye'unie kepauka mekawenit-
 sie pepika'atemawieka,
 meta pepika'atemawieka 'a'iyaritsie miki
 mitiuka'eniwaki.

- 18 Yawé miki pika'inakire 'eki kepeṁitiku'eriwa,
hiki miki hepaitsita Yawé kemitiha'akai
pitihayewa.

Xeitewiyari heimana 'atanauka

- 19 'Axateyuruwamete wahepaitsita
pepika'uyeha'ariweni,
meta pepika'awairiyani pemuwa'ikeniki
yamemikatekahu,
20 matsi 'axatiyuruwame tixaṁi pikatitakwewie,
kemi'ane yamikatikamie kixemeya
kanitimiki.

Xeitewiyari heimana tamamata

- 21 Temaiki, Yawé kenayemakaxeni meta
yaketinekamieni ti'aitame hetsiemieme,
Yawé memu'uxie wahamatia
pepika'axewiriyani,
22 yapauka xekatenika'eniexiakuni,
'atsipikatimatsiiki tita 'umuramie.

**Tawarita kememutiyua
temaiwawemete**

- 23 'Iki kanihikitinita tawarita kememutiyua
temaiwawemete:
'Aixia pika'ane hipame xeikia waparewieti
kepauka 'iwaaurika muwewienitsie.
24 'Axamitiuyuri xika hetsiena karahiiani ke-
name 'atsikatiuyuri,
'ana yunaiti nuiwarite hetsienamieme 'ax-
ameputiyuaneni miki 'itsikame hepaitsita
meta mekaniti'uxiwe'erikuni.
25 Kemi'ane heitseriemeki miti'aíta miki 'aixia
pitixeyarieni,

'axatiyuruwame hetsie mīrahiaki 'ayumieme
pīnaki'eriwa.

26 Kemi'ane 'aixia mītikuxata yuri mutaine,
miki witsikani'aneni 'itsiya hepai.

27 'Awaxa meri keneukuha'arita,
meta 'aixia ketinakuyuri pemaku'etsatsie,
mipai meri petiyurieme 'arikeketa 'akii
pepitawewieni.

28 Peti'itawati 'ahapai tewi hepaitsita
pepikatikuxatani 'itsikame hixie,
pepikatiku'itawani 'ateniki.

29 Mipai pepikahaineni: «Keminetsi'uyuri miki,
neta yaxeikia nekatinekapitiamiki».

30 Miyu'iraxie mati'etsatsie nekaniuyeyani,
meta 'atsimikatitude kaxie ma'iteiritsie 'au-
rie nekaniuyeyani.

31 Xuya xeikia naitsarie kananaye'ukaitini,
meta tupiriya 'etsiya xeikia
kananukanakaitini,
tetexi kuraruyari petaxiriyatikatei xeikia.

32 Kenemirenierixi ne'iyaritsie nepika'inaxi,
netixeyati mipai nepiretima:

33 'etsiwa peheukukutsiti,
meta 'etsiwa pe'uka'uxipiweti, meta 'atapa
pe'awieti,

34 tixaiti pekarexeyati pepayani tiyumemiwame
'ahetsia munuani hepai pitiyini,
meta pereuyehiati tinawayame 'ixipara
'akweti 'ahetsia munuani hepai
pumatiyurieni.

Tsarumuni matsi waikawa kemitimaiwekai

25

¹ 'Ikita hipati tawari temaiwawemete
kememite'i'ixatsita kanihikitini Tsarumuni
meka'utia, 'Etsekiyaxi Kura kwieyarit-
sie ti'aitame, te'utiwametemama ke-
memiteheka'ikixi.

² Kakaiyari 'aixia kerahiawariwani tixaiti
miti'awietaki,
matsi witsimepi'itiarie te'aitamete kepauka
memikaxexeiya.

³ Te'aitamete kememiteku'eriwa yu'iyaritsie 'at-
sitepikatemate,
yaxeikia tepikatemate muyuawi kemeu-
titewa meta kwieta kemeukatewa.

⁴ 'Axami'ane pirata hetsie keneuka'iti,
mikitsie payeneni tepiaki tiwewiwame
mititiwewieniki.

⁵ 'Axamitiyuriene ti'aitame hetsia keneupata,
'ana ti'aitame yu'uweni heitseriemeki
miti'aitaniki payeitiani.

⁶ Ti'aitame hixie mariweme pepika'ayuyeitiwani,
meta kwinimieme pepika'utaineni
'ahetsiemieme.

⁷ Matsi pita 'aixia piyini ti'aitame xika mipai metiu-
tahiawe: «'Ena 'ahurawa kenatiye'a»,
teiteri memumariwawe wahixie
pepika'atewiyatsitiaka.

Tita pemiuxei 'ahixiteki,

8 yapauka pepikatihekiatani
 mirewatixanetsiwatsie,
 nika 'ahapai tewi,
 yiki 'utayime metsi'utewiyatsitiani.

9 'Ahepai tewi hepaitsita 'aixia keneu'ayuri
 ke'axapemutayiki,
 meta xeime 'awie mipai pepikarahiaweni
 miki 'axakemitiuyuriki.

10 Kapa xewiti metsi'u'enieme
 metsi'utewiyatsitiani,
 'anari 'aixia pepikarahiawariwani.

11 Huru manitsana pirata tsikiiwitiyaritsie miyetei
 hepai kani'aneni,
 niuki witsimi'ane mipai kani'aneni xika 'aixia
 tiuxatsieni.

12 Hanira meta kuka tiwame huruki muwewiya
 hepai kani'aneni,
 timaiweme matsi'utatieyu xika yemeki
 pe'i'enieni.

13 Ni'ariekame miraye'atiwa 'aixia 'anemeki
 kaniwaxeripitiaka 'iwi hepai kepauka
 muxikanitsie,
 yukutsiyari puwaiiririe muyuwairiyaniki.

14 Haiwitiri meta 'eka wiyeri mikakaxiriwa hepai,
 mipai tewi kani'aneni kwinimime mutaine
 yakatikamieti.

15 'A'nikai pe'ikihaweti kemi'ane kwiepa miti'aita
 kemitiku'eriwa pepipata,

meta petiu'akanaki'erieti petikuxatiti
waikawa katinikemaka.

- 16 Xika xiete pe'ukaxeiya, kwinimieme
pepikatikukwa'ani,
nikahirixia waikawa pehenu'ieyu
pe'utihayani.

- 17 'Ahepai tewi kie yapepikatiyaneni,
kapa 'utiwairipieme metsi'utixani'erieni.

- 18 Kemi'ane 'itsikame hixie mitikuxata ti'itawati
yuhepai tewi hepaitsita,
miki 'ixipara meta titsuname meta 'iri
manuyemitsi hepai kani'aneni.

- 19 Kepauka pemi'uximatiariekatsie xika yuri
peti'erieka tewi tiyukwamaname hetsie,
tamé kimieti kemitiyukukuine meta ra'ika
'anumuriti mipai pepiti'amaika.

- 20 Xika muyuhiwerie hetsiemieme 'utakwika,
winu matsina haiyatsie meuwirieni hepai
kani'aneni,
yatini maweti muyeikani hepai kani'aneni
kepauka muhaitinitsie.

- 21 Mumatsi'aye'unie xika yehaakamini ketineu-
mikwa,
meta xika heuharimikini keneuharitia.

- 22 Mipai petiyurieneti pekanitewiyatsitiamiki
ke'axamitiuyuri hepaitsita,
'ana Yawé kametiniyetuiriemiki 'a'iwatika.

- 23 Tayetatsie 'eka mayeneika wiyeri kani'atiwani,
yuteniki 'axamemutiyuane teiteri xeikia
mekaniwahaxiatiaka.
- 24 Matsi 'aixia kani'aneni 'etsi'uyeukaku
pemayekani,
keyuri kii 'apameta 'uka mayu'eriya hamatia.
- 25 Haa haitime yikiipitsie 'anatiwakiti manuhareni
hepai,
kani'aneni niuki 'aixia manuyine 'ateewa
paiti mieme.
- 26 Haixa muwaikarie meta haa putsuta mieme
mu'uayemarie,
hepai kaniyimiki tewi heitseriemeki
'amuyeika kepauka 'axamitiuka'iyari
mitaweranariyatsie.
- 27 Pikayiwe waikawa xiete mikwaka,
meta 'aixia pika'ane 'aixia
pemi'rahiawariwaniki pemitikuwaineni.
- 28 Kiekari muka'unarie kakurarutiiyarieti,
tewi yu'iyaritsie mipai kani'aneni yukimana
mikatiyu'aitiaweki.

26

- 1 'Twi taxarixa pikamieme,
meta witari 'itsanaxa pikamieme,
meta 'aixia pika'ane mikayuwairiya hipame
muwaparewieniki hepaitsita 'aixia
miraniuwani.

² Wiiki mukuwiene xeikia yatini 'itsitame yu'itia
 mikahexeiya hepai,
 mipai kani'aneni tewi 'axami'itiarieniki
 yamitiutawawie matsi hetsiena pikaye'ani.

³ Kwitaxi kawayutsixi wawayame kanihikitini,
 meta pirenu puxu hetsiemieme kanihikitini,
 yaxeikiata mikayuwairiya hipame
 muwaparewieniki kaneuyeweka
 mukuweiyaxianiki.

⁴ 'Axamitiyuriene yutemawieti kemitiuniuka
 mipai pepikatiku'eiyani,
 kapa 'ekita hepaina petiyurieneti pe'ayani.

⁵ Tewi mikayuwairiya muwaparewieniki hipame
 keneuta'eiya kemireuyewetse,
 yikimana waikawa timaiweme
 mikayu'eriekaki.

⁶ Mikayuwairiya hipame muwaparewieniki ni'ari
 pexika'ayeituani,
 yi'ikatsie yuxiteka mitiukakukuineni hepai
 'aneti payani.

⁷ Tewi mikayuwairiya hipame muwaparewieniki
 'ixatsieya tixaiti pikatiyunaki'erie,
 mika'uyeiwe 'ikateya tixaiti mikatiyunaki'erie
 hepai kani'aneni.

⁸ Mikayuwairiya hipame muwaparewieniki 'aixia
 mirahiaweni tixiati pikatihiki,
 tete texipametsie 'atatiarieti mehiiyani hepai
 katinimatsiikini.

- 9 Mikayuwairiya hipame muwaparewieniki
kemitikuxata,
tawekame xuya mamayatsie mutatseni hepai
kani'aneni.
- 10 Tupiki timimime watamimiti
mitiwakukuinitiwa yunaime mana
memuyekika hepai
kani'aneni kemi'ane mikayukuhiawe
muta'ini yukie.
- 11 Tsiki 'ukunuaka tawarita yuhayari
kemitrukukwa'a hepai,
mipai kani'aneni mikayuwairiya teiteri
muwaparewieniki yaxeikia kemitiyuriene.
- 12 ¿Tewi petimate kemi'ane timaiweme muyuxata?
Tewi mikayuwairiya muwaparewieniki
hipame miki hetsie matsi katinitak-
wewiyaka keyuri mitiuyemate.
- 13 Muyu'iraxie mipai kaniutaineni: «Huyeta
tiyukwa'ame kaneyeikani.
Kaye'utima maye kaneyeikani 'akuxiniti».
- 14 Itupari kemiranakuwautse mirawiyatikatsie,
yaxeikia muyu'iraxie mipai yu'itaritsie
ta'aurie katinawautseni.
- 15 Miyu'iraxie xakitsie xeikia kanikameka,
matsi 'akuxi kaneiyehiaka miramikiwaniki
yuteta paiti.

- 16 Miyu'uraxie kwiniemieme timaiweme kaniyux-
atani,
kename 'atahutame temaiwawemete
waruta'ixatsitiawe.
- 17 Kemi'ane mirayukwitinetsie meuyehake
ka'inierieti,
tsiki nakateyatsie tiwieti manukuhana hepai
kani'aneni.
- 18 Xewiti heuyuyehiati mitiutatuaxa hepai,
'iri tatikaimeki watakukuyati,
- 19 mipai kani'aneni kemi'ane yuhamiku
mikwamana mipai rehiaweti:
«Neti nepika'imainekai».
- 20 Tai pitini xika kiyexi ka'anutanetiarieni,
niuki peraxi memikahaxuawetsie 'imieri
kanikumawerimiki.
- 21 Tixari tii kanayeikani, kiyexiki tai kananu-
tatataweni,
teui haxia mawauwe 'imieri kanitsut-
sutiwametini.
- 22 Niuki perai niukieya yemiki witsika-
tini'enierieka,
wataita paiti kaniye'axeni.
- 23 Kwitame pirataki muwewiya haxu xariyari het-
sie muyeka,
teui mipai kani'aneni yu'iyaritsie mitihiniya
'axamiti'ane.

- 24 Kemi'ane mītiyuka'uxiwe'erie yuniukita ka-
tini'awietani,
matsi yutaita 'axakatiniyurimikini.
- 25 Kepauka witsimetikuxaxatīwa yuri
pepikati'eririeka,
'iyarieyatsie 'axamiti'ane mītihineki.
- 26 Tsepa 'uxiwe'erika muti'awietaxi yuhetsie,
matsi miki mīirikia memayuxeirietsie katini-
tahekiatsiemiki ke'axamitiuyuri.
- 27 Putsu xika 'utawewieni muwa kaneukawemiki,
meta tete 'aminena xika hakaina yuhetsie
kanikahiamiki.
- 28 Miti'itawa kemi'ane 'axamitikihawe miki
kani'uxiwe'erieka,
witsimītiuxaxata wakwamanati kani-
warekaxiriemiki.

27

- 1 Pepika'uyuta'ireni 'uxa'a kepemītiyurieni het-
siemieme,
'atsipemikatimateki 'uxa'a kemītiyini.
- 2 'Eki 'akimana 'ahetsiemieme 'aixia
pepikahaineni,
hipati pita 'aixia mekehaitikani 'ahepaitsita.
- 3 Tete pahete, xiekari pahete,
matsi waikawa pahete kepauka tewi miha'a
yutemawieti 'axamītiyuriene.
- 4 Haxia 'axapītiyuruwame meta pītiyu'uname,
yaxeikiata 'uxiwe'erika xewiti pika'inewie.

- 5 'Aixia pi'ane xika heitserie 'utatierieni,
'aixia pika'ane minaki'eriwani 'awiexeikia.
- 6 Waikawa matsi pepinaki'erieka 'ahamiku
kepauka mumatikwinitia,
keyuri mimatsi'aye'unie kepauka
mimatsi'itseni.
- 7 Kemi'ane mikaheuhaakamiki, xiete
kanixani'erieka,
matsi kemi'ane meuhaakamiki, tsepa
miratsiwi katinakakani hetsienamieme.
- 8 Wiki yu'itia kemitiuku'e'eiriwa tsepa hakewa,
yaxeikiata tewi mipai 'ateewa katineyeikani
yutiriyama waku'eirieme.
- 9 Mixaxi meta witsimitiu'iatika 'iyari kanitemaw-
ieritiwametini,
'ekita witsikepemitiwaxeiya 'iwatamete
mikita waikawa pewaparewiekaku
mekaniyuwairiyani.
- 10 Pepika'iku'e'eiriwani 'ahamiku meta 'apaapa
hamikuya.
- Xika pe'a'uximatiaka 'a'iwa hetsia
pepikaheumieni.
- 'A'iwa pikayiwe 'ateewa kiekame
matsi'uparewieni, 'akie 'ahurawa muka
pita piyiwe.
- 11 Temaiki, nematsinaki'erie xika petimaiweti
'ape'uyeikani ne'iyari kaniyutemawieka,

'ana nekaniyiwemiki nemiwata'eiyaki
kemi'ane meminetsi'uxiwe'erie.

- 12 Kemi'ane mitimaiwe 'axamiti'ane katinixeiyani
miki 'ateewa kaniuyeyeikani,
mikatimaiwe matsi mana kaniuyeyeikani
'ayumieme pitiuka'eniwa.

- 13 Kemi'ane yamitayini ka'imateme hetsiemieme
kename rayukatuni yukemari paiti ka-
neuyehiamiki,
kemi'ane muyuyetuani 'uka xeime 'iyaya het-
siemieme yupiini tinaime mirexeiya katin-
inawaiyariemiki.

- 14 Matsi xika pe'itawairitiani 'ahamiku karima
pe'utahiwati ximeri paiti,
mipai pumatitahiawe: «Ketitayari heu'erieti
penetiutahiwi».

- 15 Haa mikatsuke katihayewati kepauka
muwiyenitsie,
mipai kani'aneni 'uka muyumieriwie.

- 16 Kemi'ane 'uka miyami'ane mikemakaxiani, 'eka
mikemakata piyiweni,
meta piyiwe hatseiti yumamatsie
mukwewieniki.

- 17 Tepia hepaina tepiaki xika 'atamiani kane-
taxikaunariyamiki,
meta tewi yuhepai teiteri wahamatia katine-
timamateni.

- 18 Kemi'ane piní 'iteiriyari mi'iwiya miki takari-
yari kanikakwaimiki,
kemi'ane 'aixia miti'uximaya yukutsiyari
hetsia, matsi 'aixia katinixeyariekamiki.
- 19 Hatsie kemitihekia kepemiraka'erie 'ahixie,
meta tewi yu'iyaritsie mipai katinimatsiikini.
- 20 Teukiya, miya meta tita teiteri memitehiwe'erie
metexeyati,
hatsuaku wa'iyaritsie pikareuyeyeika.
- 21 Taipa pirata kani'iniatsieka,
huru huxunuta kani'iniatsieka,
tewi kani'iniatsiekata kepauka hipati 'aixia
memaitika hepaitsitana.
- 22 'Axamitiyuriene yutemawieti tsepa
meuyetixiwa heiwa meta hutarieka,
tsepa pemitixini matatsie 'ikú hepai,
hawaiki pikanawaiyarieni kemitiyuriene.
- 23 Keneu'a'iwiya pemiretimaniki kemeteheu'erie
'atewama,
'amuxatsima waikawa keniwa'iwiyani,
- 24 kepemirexeiya waikawa miki pikatiteriwe,
meta tumini tsepa pemexeiya tixaati
pikatihiki.
- 25 Kepauka miraka'etsitiretsie 'ixa makuwatsienit-
sie meta matiyiraxianitsie,
meta hiritsie paiti tupiriyate
mukuxeiriyantsie,
- 26 muxatsi 'akemari mepimatsiyetuirieni,

- kapuratsixita peminaneniki hiritsie
 'amakuyewa,
 27 mana pekaneixeyakamiki kapuratsixi waretsi-
 yari 'anayuhayewame,
 kimana xemiteyumikwaniki yunaiti
 'atiriyama,
 meta yaxeikia yunaiti mete'uximayatsiriwamete.

28

- 1 'Axatiyuruwame kaniuyu'unarimeni tsepa xe-
 witi mika'iweiya,
 matsi heitseriemeki yamitikamie kayuwati
 'apuyeika maye hepai.
- 2 Kiekaritsie xika 'axatyaneni,
 'itsikate mepiyutimimire,
 kepauka kuwexinaruri mitiuyemate,
 kayuwati putamarike.
- 3 Kuwexinaruri tixaiti memikatehexeiya
 muwananaima,
 miki wiyeri mitirikaiye 'ekamati waxa
 kemireuyehipa hepai kani'aneni.
- 4 Kemi'ane 'iniari niukiyari memuku'eiri
 'aixia meputiyuaneni 'axateyuruwamete
 wahepaitsita,
 matsi kemi'ane memi'enie
 mekaniwa'uxiwe'erieka.
- 5 'Axateyuruwamete tita mitiheitserie
 mepikahetimaitikika,

matsi kemi'ane Yawé memukuwautiwe miki
naime mekatenimaika yamemitekahuki.

6 'Aixia kani'aneni tixaiti mikarexeiya
heitseriemeki 'amuyeika,
matsi 'aixia pika'ane kepauka xiku
'axa'anemek i muyeika.

7 Temaiki meti'enatiyeika yakatinikamieni 'iniari
niukiyaritsie,
matsi kemi'ane waikawa memitekwa'a wa-
hetsie mitiwiya miki yupaapa kanitewiyat-
sitiaka.

8 Kemi'ane kwinimieme rana'iwamiti tumini
muwaniitia,
matsi kemi'ane muwanenimaya
memikatehexeiya hetsie pita pitinakeni.

9 Kemi'ane 'iniari niukiyaritsie yamikatikamie,
Kakaiyari miki nenewierieya
kani'uxiwe'erieka.

10 Kemi'ane heitseriemeki yamemitekahu xaitsie
muwareukuyunitiani,
mikita yukimana yuwiniyaritsie
kaniyuhiamiki,
matsi heitseriemeki yamemitekahu
yu'iwarika 'amepitehapiniyarieni 'aixia
miti'ane.

11 Xiku timaiweme kaniyu'erieka,
matsi tewi tixaiti mikarexeiya rakumaiti
yakatineitimamateni miki kemitiyuriene.

- 12 Kepauka heitseriemeki yamemitekahu
memitehayu'iwa kanimariweni wa'ixiarari
meta watemawierika,
matsi kepauka yamemikatekahu
memitehayu'iwa yunaiti teiteri
mekaniyuti'awiwietani.
- 13 Kemi'ane 'axamiti'ane miti'awieta hatsuaku
'aixia pukatiyeyani,
matsi kemi'ane muyutahekiata
'axamiti'ane mitiku'eirieni miki
katineuyehiwiariemiki.
- 14 'Aixia kani'itiarieka kemi'ane Yawé yuheyemeki
mayemakaxe,
matsi kemi'ane yu'iyari mitse'iriya
'axa'anekea kaniyuhayewamiki.
- 15 Maye mahiwa meta hutse meuhakamiki hepai,
kuwexinaruri 'axamitiuka'iyari kani'aneni
tixaiti memikateheuxeiya muwananaima.
- 16 Kuwexinaruri 'atsimikaretimaitiyeika katinin-
awayani teiteri wakwamanati,
matsi kemi'ane mipai mikatiyuriene miki
miixa tukari 'apuyeikani.
- 17 Kemi'ane tiyumieme mukuweiyariene,
kaniyuku'unanemiki kepaukake mumiereni,
xewiti tima pika'iparewieni.
- 18 Kemi'ane 'aixia mitixeyarie heitseriemeki
yamitikamie miki kaniyutawikweit-
sitiāmiki,

- matsi kemi'ane 'axatiyurieneti 'amuyeika
putsuta kaneukawemiki.
- 19 Kemi'ane yukwietsie mitikumaiwa waikawa 'ik-
wai katinexeyakamiki,
matsi kemi'ane muyukuwie tixaiti
karexeiyati kanayeimiki.
- 20 Tewi heitseriemeki yamitikamie miki waikawa
'aixia kani'itiarieka,
kemi'aneta miyumexiitia xiku mayaniki tik-
winitiarieti pikahayewarieni.
- 21 'Aixia pika'ane hipame xeikia teiteri muwa-
parewieka hipame yiki tiwaxeiyati,
hipati 'axamekateniyurieka paa 'et-
sipemekititi.
- 22 Kemi'ane mitiukakwerie xiku mayaniki
puyumexiitia,
'atsikatimaiti kepauka tixaiti karexeiyati
mayaniki.
- 23 'Imatirieka matsi hatsua 'aixia pititahiawarieni,
kemi'ane mitiyutaheitseritiani keyuri
witsimutaine wakwamanati xeikia.
- 24 Kemi'ane yupaapa meta yumaama
mitinawatsiriwa,
katihayewati kename 'axakatiyuriene,
miki teiteri 'axamemiteyurie kaniwa-
hamikutini.
- 25 Kemi'ane tumini minaki'erie xeikia miki
waikawa kaniyumienemiki,

matsi Yawé hetsie kemi'ane yuri miti'erie
'aixia kani'itiariekamiki.

²⁶ Xika tewi yuhetsiemieme yuri tiyu'eririeka miki
pikayuwairiya muwaparewieniki hipame,
matsi kemi'ane timaiwetí yamitiyurieni
kaniyutawikweitsitiamiki.

²⁷ Kemi'ane tixaiti mikarexeiya miparewie miki
tixaiti reuyehiati pikahayani,
kemi'ane miti'uxiwe'erieni parewiya
kemireuyehiwa, miki 'ax-
akani'itiariekamiki.

²⁸ Kepauka yamemikatekahu memite'ayu'iwa,
teiteri mekaniyuti'awiwietani,
kepaukata memukumaweriyarieni, 'aixia
memiteyurie 'aixia mekani'itiariekuni.

29

¹ Kemi'ane miixa tierikayariki mikaheu'ena
yapauka kanika'unariemiki kanenimayat-
sieti.

² Kepauka heitseriemeki yamemitekahu
memite'aitani teiteri mepuyukatamamaw-
ieni,
kepauka 'axateyuruwamete memite'aitani
teiteri mepite'uka'eniwa.

³ Kemi'ane mitimaiweniki muyuwairiya, miki yu-
paapa pitemawieritia,

kemi'ane 'ukari 'axateyuruwamete
wahamatia muyeika, miki yutumini pīxitiā.

⁴ Kwiepa ti'aitame xika kemitiheitserie ti'aitani
'aixia piti'ane kiekariena,
kemi'ane tuminiki memitehayukatuayaniki
xeikia muwawawirie kiekari kanika'unani.

⁵ Kemi'ane yuhepai tewi witsimitikuxaxatiwa
ti'itaiyati,
winiyari hixiena puteika.

⁶ 'Axatiyuruwame ke'axamitiuyuriki pekawautse,
matsi heitseriemeki yamitikamie yutemaw-
ieti putakwika.

⁷ Heitseriekameki 'amuyeika puyu'iyaritia ke-
memite'uka'eniwa tixaiti memikatehexeiya
wahetsiemieme matsi waheima kaninu-
aka,
matsi 'axatiyuruwame 'atsipikatimate ketita
mitixatsiwa.

⁸ Memiteyukatawe'erie kiekari mekanixam-
urika,
memitemaiwawe matsi waikawa kayuwati
mekaniwapitiaka.

⁹ Kepauka mitimaiwe meta yutemawieti
'axamitiyuriene hamatia memuyutakwini,
tsepa mutanawe yatini muyeha'a mikiki 'aixia
pikatiyini.

- 10 Memiteyumemiwa mekaniwa'uxiwe'erieka
teiteri 'aixia memite'u'iyari,
meta heitseriemeki yamemitekahu mekani-
wakwika.
- 11 Tewi mikayuwairiya hipame muwaparewieniki
yuhaxia pikawahana,
matsi kemi'ane mitimaiwe katinakumaika
kemituyunitiani.
- 12 Kwiepa ti'aitame xika memite'itawa xeikia
wareu'enieka,
yunaiti te'i'uximayatsiriwamete 'axamekate-
niu'iyarikakuni.
- 13 Tewi tixaiti mikarexeiya meta
mitiyukananaima hamatia yaxeikia
mekani'aneneni:
Yawé miki yuhutame kaniwapitiaka
memayeneniereniki.
- 14 Kwiepa ti'aitame heitseriekameki xika 'aixia
tikuyuruwani tixaiti memikateheuxeiya
wahetsiemieme,
miki meta xiiyarimama yuheyemeki heitserie
mekanexeiyakakuni memitewata'aitianiki
yuteiterima.
- 15 Tewi xika ti'ikitariieka kuweiwati timaiweti
kanayeimiki,
matsi kemi'ane mikaheu'ena yumaama kan-
itewiyatsitiaka.

16 Kepauka 'axateyuruwamete memiyumiire
'axamiti'aneta kaniwaikawani,
matsi teiteri heitseriemeki yamemitekahu
mekaniwaxeiyakuni kememite'atixiriyani.

17 'Aniwe ketine'ikitiaka, xika mipai petiuyurieni
'arike 'aixia 'iyari pepuyeikani,
'ana temawierika pepexeiyani 'a'iyaritsie het-
sienamieme.

18 Hakewa teiteri 'atsimemikatehemate Kakayari
kemaine, mekaneuyexiriwani,
'aixia mekani'itiarieka yamemitekahu 'iniari
niukiyaritsie.

19 Hawaiki niukiki xeikia pikayiwe
ti'uximayatame mititi'ikitaniki,
tsepa mumetsi'enie yapikatikayani.

20 ¿Tewi petimate kemi'ane kaheitimaixiame mu-
taniuka?
Tewi mikayuwairiya muwaparewieniki
hipame miki hetsie matsi katinitak-
wewiyaka keyuri miki.

21 Kemi'ane tiyu'uximayatsiriwame
mikaheitseritiakai kepauka miki
mununutsitikaitsie,
'arikeke miki yapikatikayani kemitita'aitiani.

22 Tewi mayu'eriya 'imieri xeikia kanixuawitiaka,
meta kemi'ane mayumiewe waikawa
'axapitiyurie.

- 23 Kemi'ane muyuta'ire tixaiti pikirayani,
matsi kemi'ane tixaiti mikarayueitia matsi
mariweti kanayeitiariemiki.
- 24 Xika tenawayamete pewanika, 'eki 'akimana
pekani'a'uxiwe'erieka,
kepauka memitiwiyarienitsie, 'itsikame hixie
'ahetsie pirahiiani, 'eki 'atsipepikatayini.
- 25 Pewamakati teiteri 'akimana pepi'awiniya,
kemi'ane Yawé hetsie yuri miti'erie kaniwik-
weitsitarieka.
- 26 Yumiireti parewiya ti'aitame hetsia
mekanikuwautiweni,
matsi Yawé xeikia kanihikitini teiteri heitserie
muwapitiani yuxexuime.
- 27 Yamemitekahu mekaniwa'uxiwe'erieka
'axamemiteyurie, yaxeikiata 'axateyu-
ruwamete heitseriekameki 'amemu'uwa
mekaniwa'uxiwe'erieka.

'Akuhuxi niukieya kemitimaiwekai

30

- 1 'Akuhuxi niukieya kemitimaiwekai Kakehe
nu'aya Matsaha kiekame. Tixaxatame niukieya.
'Iki tewi mipai kaniutayini:
«Neuxei Kakaiyari 'aku ne nepu'uxe,
Kakaiyari 'aku ne nepu'uxe meta nepiwerani.
- 2 »Ne tewi kwinimieme 'atsinemikatimate
nepihiki,

'etsiwa tima ne nepikatiuyemate tewi
kemitimaiwe.

³ Nemitimaiweniki 'akuxi ne nepikatanaki'eriwe,
meta Kakaiyari mipatsie nepikamate.

⁴ »¿Muyuawitsie kemi'ane panutitiari
meta kemi'ane mana pakane?

¿Kemi'ane 'eka puwiyawe yumamaki,
yatini kemi'ane haramara pakawimawe?

¿Kemi'ane kwie manuye'atikanitsie pu'iniataxi?
¿Kemi'ane yapitimate kepemititewa yatini
'aniwe kemititewa?

⁵ »Kakaiyari niukieya naiti taiki puti'iniatsie,
Kakaiyari kaniwaparewieka kemi'ane
hetsiana memitewautiwe 'aixia
memi'itiariekaki.

⁶ Niukieya pepika'anutiyayatsani,
kapa metsi'utatieniki
meta peti'itawame matsiikime 'ahetsie
rayeitianiki.

⁷ »Tihutame xeikia Yawé nepimatiwawirie,
mexixi nekamiwe yakenetineupitia.

⁸ Keneneparewieka nemikati'itawaniki,
tixaiti nekarexeiyame pepikanetsihayeitiwani
meta xiku nemika'ayaniki,
matsi pita paa xeitukariyarisie mieme
keneneyetuiwani.

⁹ Waikawa xika nerexeiyani nepimatsihatimaiyawe,
mipai ne'utaiti: “¿Yawé kemi'ane pihiki?”

Meta xika 'etsiwa xeikia nerexeiyanike
tinawayame nepayeawe,

'eki nekakaiyari 'axapemititahiawarieniki
xeikia.

10 »Ti'uximayatame 'axapepikatikihiaweni
kutsiyarieya hixie,
nika 'axape'itiiarieti pemayaniki miki
yametiutahiawe meta yapetiuka'eniexiani.

11 »Hipati mekanixuaweni yupaapama 'axamete-
wakumamateti,
meta yumaamama 'aixia mekate-
warahiaweti.

12 Hipati mekanixuaweni me'itiyakame meyux-
atati,
matsi 'akuxi mepikayu'itiewawe
kememikate'itiyaki.

13 Hipatita mekanixuaweni waikawa
meyiwaweme meyu'erieteti,
miki yunaiti mekaniwaxeiyani mewa'uxieteti.

14 Hipati tamé 'ixiparayari mekanexeiyani
meta natsikwai nawaxayari,
kwiepa memuwatikwaniki tixaiti
memikatehexeiyai,
meta teiteri memiteheuyehiwa 'ena kwiepa
memu'uwa.

15 »Xuriya 'itseweme yuhutame yuniwema kani-
warexeiyani,
mipai mekanituyuaneni: “Kena, kena”.

»Haikati kanixuaweni 'iniari hatsuaku
memikahuxaiwawe,
nauriekata mieme hatsuaku mipai
pika'utaine: “Nepiwairipie”:

16 Teukiyapa, meta 'uka mīkaniwewe,
meta kwie haki mīka'utahīpirike,
meta tai hatsuaku mīkakutititse.

17 »Kemi'ane yupaapa mīka'enie,
meta yumaama mīkaheu'enie,
kwatsari mana mayeweritsie memu'uwa hixiteya
meke'utikwani,
meta maraikatsixi 'ayeniereme waiyarieya
meke'utakwani.

18 »Haikati kanixuaweni 'iniari minetsihixiyatsitia,
matsi naurieka mieme nepika'uyiwekaxia ne-
meitimaniki:

19 kwixi huyerieya kemītikuwienne muyuawitsie,
kuu huyerieya tetetsie kemītikuyeika,
kanuwa 'amīpa huyerieya haramaratsie
miyeyeika,
meta 'uki 'uka 'iyarieya kemīra'i'iwa.

20 »Mapai katiniyurieka 'uka muwikie
memīkakinamama memikumaīwa:
tiutikwa'ati wayetereuxinati,
mīpai kaniutaineni: “Hawaiki matsi
'axanepīkatiyuriwe”.

21 »Miki haikati 'iniari kwie kaniwatayuitiwani,
naurieka miemeta yaxeikia pītiyuriene:

22 Waiyariyika ti'uximayatame ti'aitati mayaniki
kanaye'aweni,
tewi 'atsimikatitude 'ikwaiya
miranayuhayewa.

23 'Uka mīxani'eriwakai kepauka mitiwikieni,

meta 'uka wai'riyarika ti'uximayatame
ti'aitati mayaniki yukutsiyari kiita.

24 »Yunaukati kwiepa 'etsimetepepeti mekatenixu-
aweni,
matsi waikawa metemaiwaweti keyuri
temaiwawemete:

25 tsarixi mekatirikawititi,
yu'ikwaite taxata timieme mekateniuti'utani,

26 haitsirixita, yeutari 'etsimepepeti,
miki yuteri mekanexeiyani 'aitsie paiti,

27 'utsikarita tiyu'aitiwame memikahexeiya,
matsi yaxeikiata miki mekateniukikani
kuyaxi wahepai,

28 'atakwaixita, mekaniyuwiyanika yumamaki,
matsi mikita paratsiyuta paiti mekaneutahak-
eni.

29 »Yuhaikatita mekanixuaweni 'aixia mete'ikikati,
matsi naurieka mieme wahepai 'aixia
pitiuyeika:

30 maye, 'irawetsixi watsata mitirikaiye,
tixaiti timakati mika'ukununuwa,

31 wakanata 'uki yu'anateki kanitirikaiyeni,
tsiputa 'uki yaxeikia,
ti'aitameta yukuyaxima wahamatia
kanitirikaiyeni.

32 »Xika yamikatikamie hepai petiuyeikani, kwin-
imieme petiu'ata'ireti,
xika xewiti mipai tiku'eriwani, kaneuyeweka
yapauka muyutimaixianiki,

33 kwahu hayari xika retsita 'ukatuame xika
'iwakumuina kexiu kanihekiarimiki,

meta xika karima 'ukatsurixike xuriya rat-
surita kaniwakanemiki,
meta haxia xika 'utsutiani kaniuyutak-
wixiakuni».

Ti'aitame Remuheri niukieya kemitimaiwekai

31

¹ Ti'aitame Remuheri niukieya kemitimaiwekai.
Tixaxatame niukieya, maamaya kemititi'ixatsitia
niukiyari:

² «¿Temaiki 'aku kepetiku'eriwa?

¿Temaiki 'aku, kepetiku'eriwa
nemimatsi'utiniwexi?
Neyutanenewieku Yawé 'eki pimatsiyetua,
¿kehepai nemati'ixatsitiani?

³ Atirikariya pepikayetuaka 'ukari wahetsie,
miki te'aitamete paiti mekani-
wareuyexiriwani.

⁴ »Remuheri 'aku,
'aixia pika'ane te'aitamete kaxie winuyari
memi'ieka,
meta nawa kuwexinaruritsixi me-
manuye'ení,

⁵ kapa metariwetí mehetimaiya 'iniari niukiyari
kemaine,
meta tixaíti memikatehexeiya mete-
warunawairieni heitserie ke-
memitehexeiya.

⁶ Memukwixime nawa memanu'einiki
keniwarupitia,
meta kaxie winuyari kemi'ane waikawa
memiyu'iyaritía.

7 Meke 'enu'ieni, memitehatimaiyaki tixaiti
 memikatehexeiyaki,
 tawariri memikahe'eriwaniki ke-
 memite'uka'eniwa.

8 »Kenewaparewieka yikimana memikaniuwawe
 'itsikate wahixie,
 kenewanenimayaka wiuraxi meta nutuite.

9 Miki wahetsiemieme keneutaniukani 'aixia
 memi'itiarieniki,
 memikatehexeiya kenewanenimayaka
 memiteheuyehiwa wahetsie kenenuaka».

'Uka 'aixia kemitiuka'iyari, kemitiyuriene

10 'Uka 'iniari mayuyeitiwa, ehakewa peikaxeiya?
 Matsi kwinimieme katinaye'aka keyuri tetexi
 witsimi'anene waikawa miraye'atika,
 yukie 'uyeikati yapitikamie.

11 Kinaya matsi hetsiena kaneuwaireni,
 tixaiti 'iwarika pikareuyehiwa.

12 Miki naime kemitiyuriene 'aixia kani'aneni
 kinaya hetsiemieme,
 'axapikatiyuriene kepaimexia tukari
 hamatiana muyeikani.

13 Kanikuyeikani 'ikunaneneti muxa huxarieya
 meta rinu witsimi'ane 'ixurikiyari,
 yumamakı tikumaiwati katini'uximayaka
 yutemawieti.

- 14 Kanuwa 'amipapa yuharerutamete hepai
kani'aneni,
miki 'ateewa katinatitiyeikani yu'ikwaite.
- 15 Ximeri paiti kananukukekani,
yuniwema katiniwarutimikwani,
meta yuparewiwamete yuhetsia miemete ka-
tiniwakumikwani.
- 16 Kwie xeiame kemiraye'aka kaninanaimiki:
manata kaxie kanika'iteitamiki me'iwxiki.
- 17 Yuwaiiriyati katini'uximayaka,
ximeri meta kwi taikai katiniutahayeikawani
ka'uxeti.
- 18 Miki yukimana katinimaika
kemitiyuharerutani,
yukixeme pikakutitsa tikariki
yamiti'uximayaki.
- 19 Xeitapaki yumamaki kaniwiyakamiki muxa
huxarieya,
xeimekita 'utsikiiki kanikaunakamiki.
- 20 Yumamaki ti'uximayati tixaiti
memikatehexeiya kaniwaparewieka,
mikiki kaniwatuikani kemi'ane
memiteheuyehiwa.
- 21 Tsepa muhaiti pikayu'iyaritia yuniwema wahet-
siemieme,
miki yunaiti 'aixia memite'ukemariki 'ikari
memiwawitiatikaki.

- 22 'Itsiwame yukimana miki kanitiwipani,
meta rinu 'ixurikiyari 'aixia mi'anene
kanitiwewiwani menakatikiniki meta
miyitsikimaiye.
- 23 Meta kinaya 'aixia katinimariwani yukiekarit-
sie,
miki katinihiritiarioka 'itsikate wahamatia
hakewa miki meme'uwa.
- 24 Rinu kemariyari wewieti kanituaka,
meta hiyamete mitiwewiyatika tetuayamete
katiniwatuirieka.
- 25 'Aixia katinamamatiwani meta teiteri yunaiti
'aixia mepite'ixeiya,
mipai 'aneti pikama kemitiyini 'uxa'atini
warie.
- 26 Kepauka mutikuxata, timaiweti katinikuxatani,
kepauka miti'ikita, wanaki'erieti kaniyianeni.
- 27 Yukie miki yakatiniukani taniereti,
kepauka paa mukwa'a me'iwxiki katiniu-
tikwa'ani.
- 28 Tiiriyamama me'anuku'uweti mekani-
tanakeni,
kinayata yaxekia kaniyutemawieka
'inaki'erieti:
- 29 «Yuwaikawati 'ukari 'aixia memite'u'iyari
mekanixuaweni,
matsi 'eki yunaime pekaniwara'iwani».

- 30 Katiniyukwamanani kemi'ane wit-
simitiyuxexeiya xeikia meta pikareutetere,
matsi 'uka Yawé mayemakaxe 'aixia katinani-
uwamiki hetsiena mieme.
- 31 'Uka pumatiwani naitsarie
kemitiukaxuxuawere,
meta 'uximayatsikayatsie naiti mitihekiaki
'aixia piraniuwani.

**KAKAFYARI NIUKIEYA XAPAYARI
WIXARIKAKI**

**The Holy Bible in the in Huichol language of Mexico,
2020 edition**

**La Santa Biblia en lengua huichol de México, edición
2020**

copyright © 2020 Wycliffe Bible Translators, Inc.

Language: Huichol

Translation by: Wycliffe Bible Translators, Inc.

Huichol [hch], Mexico

Copyright Information

© 1988-2020, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Holy Bible

in Huichol

© 1988-2020, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-09-03

PDF generated using Haiola and XeLaTeX on 6 Sep 2025 from source files dated 4 Sep 2025

79690d81-fd4b-51b4-a3a6-712e0fddaca3